

脾胃



杭州圖書館藏



大法

傷飲食

胎前傷食

傷飲食

陰陽應象論云水穀之寒熱感則害六腑

脾痺論云陰氣者靜則神藏躁則消亡飲食倍勝胃勞

傷此乃混言之也分之為二飲也食也飲者水也無形之氣也因而大飲則氣逆形寒飲冷則傷肺肺病則為喘咳為腫為水瀉輕則當發汗利小便使上下分消其濕解醒湯五苓散生薑半夏枳實白朮之類是也如重而畜積為滿者芫花大戟甘遂牽牛之屬利下之此其治法也食者物也有形之血也如生氣通天論云因而飽食筋脈橫解腸澀為痔又云食傷太陰厥陰寸口大於人迎兩倍三倍者或嘔吐或痞滿或下痢腸澀當分寒熱輕重治之輕則內消重則除下如傷寒物者半夏神麴乾薑三稜廣茂芑之類主之如傷熱物者枳實白朮青皮陳皮麥蘖黃連大黃之類主之亦有宜吐者陰陽應象論云在上者因而越之瓜蒂散之屬主之然而不可過劑過則反傷腸胃蓋先因飲食自傷又加之藥過故腸胃復傷而氣不能化食愈難消矣漸至羸困故五常正大論云大毒治病十去其六小毒治病十去其七常毒治病十去其八無毒治病十去其九不可過之此聖人之深戒也

輕者內消

傷食惡食者胃中有物導痰補脾二陳湯加白朮山查

傷飲

五苓散治煩渴飲水過多或水入即吐心中淡淡停濕

在內小便不利

肉桂

猪苓

茯苓

白朮

澤瀉

五錢

各一兩五錢

右為細末每服二錢熱湯調下不拘時候服訖多飲熱湯取汗出愈治傷冷飲者煎五苓散送半夏枳木丸治傷飲不惡寒胸中微覺夯悶身重飲食不化者或小便利者五苓散去桂依前斟酌服之如痧熱在裏身發黃疸食前濃煎茵陳湯調服愈

除濕散治傷馬牛乳酪及水水一切冷物

半夏湯泡一錢 車前子炒五錢 甘草炙二錢 紅花二錢

茯苓七錢 乾薑三錢 澤瀉半兩

右為細末每服三錢食前白湯調下

丹導飲丸治水飲

吳茱萸三錢 白茯苓兩 黃連五錢 蒼朮兩

獨活七錢

右為細末神麴糊丸服

入醫學綱目卷五

二

傷酒

四茱萸丸治飲用六一散一料加吳茱萸一兩水丸服

酒者大熱有毒氣味俱陽乃無形之物也若傷之止當發散汗出則愈矣其次莫如利小便乃上下分消其濕今之病酒者往往服酒癥丸大熱之藥下之又有用牽牛大黃下之者是無形元氣受病反下有形陰血乖誤甚矣酒性大熱已傷元氣而復重瀉之亦損腎水真陰及有形血氣俱為不足如此則陰血愈虛真水愈弱陽毒之熱大旺反增其陰火是以元氣消燦折人長命不然則虛損之病成矣酒疸下之久則為黑疸慎不可犯宜以葛花解醒湯主之

五治酒病宜發汗若利小便炎燄不肯下行故曰火鬱則發之以辛溫散之是從其體性也是知利小便則濕去熱不去若動大便尤為踈陋蓋大便有形質之物酒者無

形之水從汗而發之是為近理濕熱俱去故治以苦溫發其火也佐以苦寒除其濕也

葛花解醒湯治飲酒太過嘔吐痰逆心神煩亂胸膈痞塞手足戰搖飲食減少小便不利

青皮三分

木香五分

橘紅五分

人參

猪苓

白茯苓各一錢

神麩炒

澤瀉

乾薑

白朮各二錢

白芷

葛花

砂仁各五錢

右為細末每服三錢白湯調下但得微汗則酒病去矣此蓋不得已而用之豈可恃此酌飲成病自損元氣惟病酒者宜之

聖治酒醉不醒用菘菜子二合研細井水調服

烏梅丸治酒毒化痰消食

醫學綱目卷三

三

烏梅一斤

半夏

白礬各八兩

生薑二兩

右搗為細末以新瓦兩片夾定火焙三晝夜為度次入神麩麥芽陳皮青皮蓬朮枳殼丁皮大腹子各四兩糊丸每服四五十九薑湯下

烏梅丸治酒積神效方見積塊門

百杯丸治酒停胸中膈氣痞滿面色黃黑將成癖疾飲食不進日漸羸瘦如欲飲者先服不醉

生薑一斤去皮切片以鹽橘紅三兩

廣茂炮三錢

乾薑三兩

益智仁粒二十

丁香香五枚

甘草炙二錢

砂仁粒三十

三稜炮二錢

木香

茴香炮各一錢

白芷粒三十

右為末煉蜜丸每一兩作五丸硃砂為衣生薑湯下細嚼無時服

傷食

丹解酒毒併熱毒栢若本草名枳栒北人名曰爛瓜杭州

貨賣名蜜屈立春生秋熟冬間經霜後取食
枳木丸治痞積消食強胃海藏云本仲景枳木湯也今易老改為丸治老幼虛弱飲
食不化或膈
腑軟弱者

枳實去穢白木二兩

右為末荷葉裏燒飯為丸如桐子大每服五十九白木湯下服白木者本意不取其食速化但久服令人胃氣強實不復傷也

麴蘖枳木丸治為人強食所致心胸滿悶不快

神麴炒麥蘖炒枳實炒各一兩白木二兩

右為末荷葉燒飯為丸每服五十九

木香枳木丸破滯氣消飲食開胃進食

木香各一兩枳實各一兩白木二兩

醫學綱目卷五

四

照前法為丸服

又方開胃進食

木香三錢人參錢一乾薑各半枳實一兩

白木二兩

照前荷葉燒飯為丸食前白湯服三十九忌飽食

檳榔丸消食破滯氣

檳榔三錢木香二錢陳皮五錢甘草一錢

人參二錢

右為末蒸餅丸每服二三十丸食前白湯下

羅木香檳榔丸踈三焦寬胸膈破痰飲快氣潤腸

神麴錢一皂角去皮郁李仁去皮各一兩

杏仁去皮木香錢一檳榔錢一青皮白

枳殼炒各一兩

右爲末再用皂角四兩水一碗浸一日揉膏入熟蜜少許爲丸桐子大每服五十九淡薑湯下

保和丸治食積酒積

山查肉兩一

半夏鹽製

蘿蔔子炒各

神麩三錢

麥芽炒三錢

黃連炒兩

陳皮兩

右爲末酒糊丸服或用神麩糊爲丸尤妙

大安丸脾經消導之劑虛者宜斟酌用之

山查兩二

神麩炒

半夏製

茯苓各一兩

陳皮錢五

白朮兩二

連翹錢五

蘿蔔子炒半兩

右爲末神麩糊丸服一方無白朮

三黃枳朮丸治傷肉食濕麩辛辣厚味之物填塞悶亂胸膈不快

膈不快

黃芩兩二

黃連酒炒

大黃煨

神麩炒

醫學綱目卷三

五

白朮

陳皮各一兩

右爲末湯浸蒸餅爲丸如菉苳大每服五十九白湯下

道除濕益氣丸治傷濕麩心腹滿悶肢體沉重

枳實炒

白朮

黃芩生

神麩炒各一兩

紅花三兩

蘿蔔子炒

右爲末荷葉飯丸每服五十九白湯下

上二黃丸治傷熱食痞悶兀兀欲吐煩亂不安

黃芩兩二

黃連酒洗

升麻

柴胡各三錢

甘草二錢

枳實炒半兩

右爲末湯浸蒸餅丸每服六七十丸白湯下

枳朮導滯丸治傷濕熱之物不得旋化而作痞滿悶亂不安

安

黃芩

茯苓

白朮

黃連各三錢

澤瀉二錢

枳實炒

神麩炒各五錢

大黃兩二

右為末湯浸蒸餅為丸白湯下五七十九

白朮丸治傷豈粉濕麩油膩之物

白朮一兩

半夏製一兩

橘紅七錢

神麩炒

枳實炒各一兩

黃芩兩半

枯白礬三錢

右為末湯浸蒸餅為丸量所傷多少加減服之如素食多用乾薑故以黃芩瀉之

食狗肉不消心下堅或腹脹口乾發熱妄語煮蘆根汁飲之

飲之

食魚膾及生肉在胸膈不化必成癥瘕搗馬鞭草汁飲之飲生薑水亦易消

半夏枳朮丸治因冷食內傷一方有澤瀉一兩有小便淋故也

醫學綱目卷三

六

半夏二兩

枳實炒一兩

白朮一兩

右為末荷葉飯為丸如傷食寒熱不調每服加上二黃

丸十九白湯下

木香乾薑枳朮丸破滯氣消寒飲食

木香三錢

乾薑炮五錢

枳實炒一兩

白朮一兩半

右為末荷葉飯為丸食前白湯服四五十九

丁香爛飯丸治食傷太陰又治卒心胃痛

丁香一錢

丁香三錢

甘草炙一錢

甘松淨

砂仁一錢

益智仁各三錢

三稜炮一錢

廣茂炮一錢

香附五錢

木香一錢

右為末湯浸蒸餅為末白湯服或細嚼亦可

小胃丹

傷飲

芫花

好醋拌勻過一宿於瓦器內不住手攪炒令黑不令焦

甘遂濕麩裏水浸半

日洗晒乾一云水浸冬七日
春秋五日或用水煮亦可
乾各半兩

大黃以酒潤炒熟焙乾一兩半

大戟水煮一

黃栢炒三

右為末以白米膏丸如蘿蔔子大臨臥津液吞下或白湯送下取其膈上濕痰熱積以意消息之欲利空心服

一方加木香枳榔各半兩
蒸餅丸每服七八十九

本 治中酒不醒及傷食

巴荳去油 烏梅二枚 丁香三粒 胡椒五粒

右為末入飯同杵二三千下為丸如桐子大細嚼丁香湯下五七丸小兒一九

傷

備急丸治尺寸俱盛填塞悶亂方見率中門

垣蠲飲枳實丸逐飲消痰導氣清膈

枳實炒 半夏製 橘紅各二兩 黑丑取頭末三兩

醫學綱目卷三

七

傷

右為末水煮麩糊為丸每服五十九食後生薑湯下如所傷飲食在胸膈間元元欲吐返覆悶亂以物探吐之甚者用瓜蒂散

人病有宿食何以別之曰脈浮而大按之反濇尺中亦微而濇故知有宿食用大承氣湯下之方見傷寒 脈數而滑

者實也此有宿食下之愈宜大承氣湯 下痢不飲食者宿食也亦宜大承氣湯下之 脈緊如轉索無常者有宿

食也脈經云寸口脈緊胸中有宿食不化

藏金露丸治內傷心痞氣不升降水穀不消

大黃一兩 枳實炒五錢 桔梗二兩 牽牛二錢五分

右為末荷葉飯為丸白湯下三五十九食後常服減半

一方薑糊丸

傷

木香見睨丸治傷生冷硬物心腹滿悶疼痛

巴苳霜五分

京三稜煨

神麩炒

石三稜去皮

一兩

木香二錢

香附半兩

升麻三錢

草薹

煨熟取心五錢

柴胡三錢

右為末湯浸炊餅為丸如葶苳大每服一二十九白湯送下

三稜消積丸治傷生冷硬物不能消化心腹滿悶

京三稜炮七錢

廣茂炮七錢

青皮

陳皮各五錢

丁皮

益智各三錢

神麩炒七錢

尚香兩半

巴苳

和米皮炒焦去米

右為末醋麩糊為丸如桐子大每服十九至二十九溫薑湯下食前服量虛實加減得更衣止後服

感應丸治中虛積冷氣弱有傷停積胃脘不能傳化或因氣傷冷或因飢飽傷食飲酒過多心下堅滿兩脇脹痛心

醫學綱目卷三

八

腹大痛霍亂吐瀉大便頻數後重遲澁久痢赤白膿血相雜米穀不化愈而復發又治中酒嘔吐痰逆惡心喜睡頭旋胸膈痞滿四肢倦怠不思飲食不拘新舊冷積並皆治之

木香

肉苳薹

丁香各一兩半

乾薑炮一兩

巴苳

七十箇去皮心曠研出油

杏仁各一百四十粒湯泡去皮尖研

百草霜二兩

右前四味為末外入百草霜研與巴苳杏仁七味同和勻用好蠟六兩溶化成汁以重絹濾去香更以好酒一升於銀石器內煮蠟數沸傾出候酒冷其蠟自浮於上取蠟秤用丸春夏修合用清油一兩銚內熬令香熟次下酒煮蠟同化成汁就銚內乘熱拌和前項藥末秋冬修合用清油一兩半同煎煮熟成汁和置藥末成劑分

作小餃子油紙裹放旋丸服之每二十九空心薑湯下
神應丸治一切冷物冷水及乳酪傷小腹痛腸鳴米穀不
化

巴荳

杏仁

乾薑

百草霜各半兩

丁香

木香各二錢

黃蠟二兩

右先將黃蠟用好醋煮去查穢將巴荳杏仁同炒黑烟
盡研如泥春夏入香油半兩秋冬入錢溶開下杏仁已
荳攪勻次下木香丁香等末研勻搓作餃子油紙裹旋
丸桐子大每米飲下三五十丸食前日三服大有效

雄黃聖餅子

巴荳

一百枚
去油臘雄黃半兩

白麩

十兩
炒又羅過

右三味內除白麩餘同為細末共麩和勻用新水攪和
做餅如手大以水再煮浮於湯上看硬軟捏作餅子每

醫學綱目卷三

九

服五七餅加至十餅十五餅嚼食一餅利一行二餅利
二行食前茶酒任下

氣口脈
緊盛宜
下

人之生也由五穀之精化五味之備故能生形經曰味
歸形若傷於味亦能損形今飲食過節以致腸胃不能勝
氣不及化故傷焉經云壯火食氣氣少火壯火散氣少
火生氣又云飲食自倍腸胃乃傷以失四時之調節故能
成病脈在氣口經曰氣口脈盛傷於食心胃滿而口無味
口與氣口同口曰坤者口乃脾之候故胃傷而氣口緊盛
夫傷有多少有輕重如氣口一盛得脈六至則傷於厥陰
乃傷之輕也枳朮丸之類主之氣口二盛脈得七至則傷
於少陰乃傷之重也雄黃聖餅子木香檳榔丸枳殼丸之
類主之氣口三盛脈得八至九至則傷太陰填塞悶亂則
心胃大痛備急丸神保丸消積丸之類主之元元欲吐不

已俗呼食迷風是也經曰上部有脈下部無脈其人當吐不吐者死瓜蒂散主之如不能吐是無治也經曰其高者因而越之此之謂也備急下之亦可
檳榔丸治飲食過多心腹脹悶

檳榔二錢

陳皮

牽牛各一兩

木香二錢

枳實兩一

右為末醋糊丸生薑湯下三四十丸

煮黃丸治飲食過多心腹脹滿脇肋走氣疰癖刺痛如神

雄黃兩一

巴莖五錢去泥

右入白麩二兩同研勻滴水丸如桐子大滾漿水煮十

二丸濾入冷漿水內令沉冷每用時用浸藥冷漿下一

丸一日十二時盡十二丸以微利為度不必盡劑

仲宿食在上脘當吐之宜瓜蒂散又云凡血虛者不可吐

醫學綱目卷三

十

天脈絕者當吐

瓜蒂散治大滿大實氣上衝逆上部有脈下部無脈填塞悶亂者用之如尺寸俱盛者宜用備急丸

瓜蒂炒

赤小豆煮等分

右為細末每服二錢溫漿水調下取吐為度仲景以香豉七合煮取汁和散一匕服之若不至兩尺脈絕者不宜便服此藥恐損元氣令人胃氣不復若止胃中窒塞悶亂不通以物探之得吐則已知探不去方以此劑吐之或曰盛食填塞胸中痞亂兩寸脈當用事今反兩尺脈不見其理安在曰胃中有食是木鬱宜達故探吐之食者物也物者坤土也是足太陰之號也胃中者肺也為物所塞肺者手太陰金也金主殺伐與坤土俱在手而上旺於天金能克木故肝木發生之氣伏於地下非木鬱而何吐去上焦陰土之物木得舒暢則鬱結去矣

食塞於上脈絕於下若不明天地之道無由達此至理
水火者陰陽之徵兆天地之別名也故獨陽不生獨陰
不長天之用在於地下則萬物生長地之用在於天上
則萬物收藏此乃天地交而萬物通也此天地相根之
道也故陽火之根本於地下陰水之源本於天上故曰
水出高源故人五臟主有形之物物者陰也陰者水也
右三部脈主之偏見於寸口食塞於上是絕五臟之源
源絕則水不下流兩尺脈之絕此其理也何疑之有然
必視所傷之物冷熱隨症加減如傷冷物一分熱物二
分則用寒藥二停熱藥一停隨時消息經云必先歲氣
無伐天和此之謂也

陰虛脈
鼓擊者
宜溫

秦生好服三生茶及冷物成積而痼寒脈非浮非沉上
下內外按舉極有力堅而不柔觸皆突出膚表往來不可

以至數名縱橫不可以巨細狀此陰症鼓擊脈也一身流
行之火萃於胸中寒氣逼之故搏大有力與真武四逆理
中等湯丸佐以芍藥茴香使不僭上每日服百丸夜八粒
至夜出汗而愈

既有三陰可下之法亦必有三陰可補之法予故云內
傷三陰可用溫劑若飲冷內傷雖云損胃未知色脈各在
何經若面色青黑脈浮沉不一弦而弱者傷在厥陰若面
色紅赤脈浮沉不一細而微者傷在少陰若面色黃潔脈
浮沉不一緩而遲者傷在太陰也 如傷在厥陰肝之經
當歸四逆湯加吳茱萸生薑湯之類主之 傷在少
陰腎之經宜服通脈四逆湯 傷在太陰脾之經理
中丸湯主之大便軟者宜湯結者宜丸 傷在少
陰唐臣嗜冷食遂成陰症脈遲七八至一止後僅三至予

亟與溫劑數服四五日不解遂續進三服一日脈生大汗而解

禁食

陰氣者靜則神藏躁則消亡飲食自倍腸胃乃傷謂食物無貪於多貴在有節所以保冲和而遂頤養也若貪多務飽飢寒難消徒積暗傷以召疾患蓋食物飽甚耗氣非一或食不下而上湧嘔吐以洩真元或飲不消而作痰咯唾以耗神水大便頻數而洩耗穀氣之化生洩便滑利而濁耗源泉之浸潤至於精清冷而下漏汗淋漓而外洩莫不由食物過傷滋味太厚如能節滿意之食省爽口之味當不至於飽甚即頓頓必無傷物物皆為益津液內畜精華和凝邪毒不能犯疾疹無由作矣

胎前傷食

本治婦人有孕傷食宜服木香丸

醫字綱目卷三

三

木香錢

三稜

白茯苓

人參各三錢

右為末麩糊丸每服三十九丸熟湯下

治妊娠氣不和調飲食少味宜服白朮散

白朮

紫蘇各兩

白芷

人參

訶子皮

川芎

青皮各半兩

甘草錢

右為末每服二錢水一盞薑三片煎至七分不拘時溫服 妊娠傷食又當於前條傷飲食之輕劑參酌用之

經云飲食自倍腸胃乃傷又云陰之所生本在五味陰之五宮傷在五味若妊婦飲食不節生冷毒物恣意食啖致脾胃之疾故妊娠傷食難得藥效惟此二方穩便

百病皆生於痰

傷飲

有痰飲有懸飲有溢飲有支飲 其人素盛今瘦水走腸間漚漚有聲謂之痰飲病痰飲者當以溫藥和之又云下

有痰飲者苓桂
甘木湯主之
飲後水流在脇下咳唾引痛謂之懸飲

病懸飲者十棗湯主之
傷寒方見
留飲者脇下痛引缺盆咳

嗽則轉甚
胸中有留飲其人短氣而渴四肢歷節疼脈

沉者有留飲
飲米流行歸於四肢當汗出而不汗出身

體疼重謂之溢飲病溢飲者當發其汗大青龍湯小青龍

湯主之
二方並見傷寒
咳逆倚息短氣不得臥其形如腫謂之

支飲
人咳數年其脈弱者可治實大數者死其脈數者

必苦冒眩其人本有支飲在胸中故也治屬飲家
支飲

亦喘而不能臥加短氣其脈平也
水在心心下堅築短

氣惡水不欲飲
水在肺吐涎沫欲飲水
水在脾少氣

身重
水在肝脇下支滿噎而痛
水在腎心下悸

嘔吐是水飲在心脇仲景云嘔吐心下痞者胸中有水宜

半夏茯苓湯主之又云嘔家本渴今反不渴心下有支飲

醫學綱目卷三
三

故也小半夏湯主之又云先渴却嘔者水停心下小半夏

加茯苓湯主之羅謙甫云痰飲為患或嘔吐惡心或頭眩

心悸或半身不快或為寒熱並二陳湯主之
方見丹溪痰門
眩

悸是飲仲景云卒嘔吐心下痞眩悸者膈間有水半夏加

茯苓湯主之
方見嘔吐
又云瘦人臍下有悸吐涎沫而顛眩

者此水也五苓散主之
方見嘔吐
又云胸滿目眩者苓桂其

朮湯主之
方見短氣
又云心下有支飲其人苦冒眩澤瀉湯

主之
方見眩門

仲膈上病痰滿喘咳吐發則寒熱背痛腰疼目泣自出其

人振振身瞤劇必有伏飲
治見
脈大心下有留飲其人

背寒冷
病人臂不時疼痛其脈沉細非風也必有飲在

上焦其脈虛者為微勞營衛氣不和故也久久自瘥
脈虛扶令

丸不虛
胸滿是飲仲景云支飲胸滿者厚朴大黃湯主

控涎丹

之方見
短氣
又云心下有痰飲胸脇支滿目眩芩桂朮甘湯

渴燥是水飲在腸胃所生仲景云渴而小便不利宜五苓散主之 又云先渴却嘔者為水停心下小半夏加茯苓湯主之 又云腹滿口舌乾燥此腸間有水氣防椒蘆黃丸主之但因水所在之處不同而所兼之症不一也

自利有飲故丹溪治久痢皆吐之去膠痰自愈又仲景云病者脈伏其人欲自利利反快雖利心下續堅滿此為留飲欲去故也甘遂半夏湯主之澹瀉 又云小便不利四肢沉重疼痛自利者此為水氣宜用真武湯去芍藥加乾薑主之

久病傷寒表不解嘔欬自利者此為水氣宜服小青龍湯去麻黃加芫花主之 尺膚麤如枯魚之鱗者水飲候也全方 色鮮明者有留飲

肝脈奕而散色澤者當病溢飲溢飲者暴渴多飲而溢入肌皮腸胃之外也脈要精微論 肝脈濇甚為溢飲全方見治虛虛

脈雙弦者飲也皆大下後善虛脈偏弦者飲也 肺飲不弦但苦喘短氣 脈弦數有寒飲冬夏難治 脈沉而弦者懸飲內痛 脈浮而細滑者傷飲

絳帛鋪劉貞外患傷寒六七日晝夜不得眠方眠即起方起即倒未嘗少息看待厭倦召孫孫曰若言是氣必喘作今無此症非氣也時復身上冷汗出尺寸脈皆沉關中亦沉重診之鼓擊於指下此痰積寒聚於胸中也遂用陳皮半夏乾薑三物各一兩為飲薑半兩搗碎以水兩碗煎七分去渣分二服服藥經時遂睡經一晝夜不甦既覺下痰一塊如鷄子大其疾遂愈凡痰症皆有冷汗其症明矣

診

痰症

醫學綱目卷五

古

風痰多見奇症 凡風痰病必用風痰藥白附子天麻
雄黃牛黃僵蚕皂角之類 濕痰多見倦怠軟弱 濕痰
宜用蒼白二木又用油炒半夏
痰清者屬寒用二陳湯之類

半夏

陳皮

茯苓

甘草

每服四錢加生薑七片烏梅一箇煎不拘熱服嘔吐甚
者加丁香

導痰湯

半夏

兩四

南星

橘紅

枳殼

赤茯苓

各半兩

甘草

薑水煎服

燥濕痰方

南星製

半夏製各

半兩

蛤粉

兩二

青黛為衣

痰症治法

熱痰多挾風外症為多用青黛黃連天花粉大快膈上熱

八醫學綱目卷三

五

痰 痰因火盛逆上者治火為先白木黃芩石膏之類中

氣不足加參朮黃芩假之以降其熱也 食積痰神麩麥

蘗山查 欲吐食積痰用蘿蔔子油炒為末漿水調下探

而吐之 食積痰必用攻若氣虛者用補氣藥送 老痰

海石半夏瓜蒌香附五倍子佐他藥大治頑痰 鬱痰僵

蚕杏仁瓜蒌訶子貝母五倍子 痰而脾虛者清中氣二

陳湯加白朮之類兼用升提藥 內傷挾痰必用參朮芪

之類多用薑汁傳送或加半夏之類虛甚加竹瀝 眩運

嘈雜乃火動其痰用二陳湯加梔子芩連之類 噫氣吞

酸此係食鬱有熱火氣上動以黃芩為君南星半夏橘紅

為臣熱多加青黛 喉中如有物咯不出咽不下此老痰

也重者吐之用瓜蒂散氣實用荊瀝 仲景用半升荻 痰

結核在咽喉中燥不能出入化痰藥內加酥藥軟堅之味

瓜蒌仁杏仁海石桔梗連翹少佐以朴硝薑蜜丸噙化、凡人身上中下有塊是痰問其平日好食何物吐下後方用藥 痰之爲物隨氣升降無處不到 痰在腸胃間可下而愈 痰在經絡中非吐不可出吐中就發散意

痰在膈上必用吐之瀉亦不出 痰膠固者及脈浮者俱用吐法吐法見治法門上下脘 痰在脇下非白芥子不能達 痰

在皮裏膜外以薑汁竹瀝導之 痰在四肢非竹瀝不能

開 二陳湯善治人一身有痰如在下加下引藥在上加

上引藥 潤下丸降痰最妙 青礬石丸重在風化硝

小胃丹能損胃食積痰用之然不宜多服 蒼朮治痰飲

成窠囊者極效 海粉能治熱痰降濕痰軟結痰消頑痰

最效可入九子不可入煎藥 枳實瀉痰能衝墻壁 竹

瀝能治膈間有痰或癩狂或健忘或風痰最效又能養血

荆瀝治痰稍重用此二味效速且穩當二瀝治痰結在皮

裏膜外及經絡者必佐以薑汁 薑汁治血滯不行中焦

有飲取自然汁冷飲三四盞必覺胸中煩躁不寧後自愈

氣實熱痰吐難得出或成塊或吐咯不出及兼氣鬱者

難治 中焦有痰胃氣亦賴所養卒不便虛若攻之盡則

虛矣 凡治痰用利藥過多致脾氣下虛則痰反易生而

多矣

痰之爲病方論少有細述之者近惟三因畧言亦無加

減法夫痰之源不一有因痰而生熱者有因熱而生痰者

有因氣而生者有因風而生者有因驚而生者有積飲而

生者有多食而成者有因暑而生者有傷冷物而成者有

脾虛而成者有飲酒而成者其爲病也驚痰則成心包痛

顛疾熱痰則成煩燥頭風爛眼燥結怔忡懊懣驚眩風痰

成癱瘓大風眩暈暗風悶亂飲痰成脇痛四肢不舉每日嘔吐食痰成瘡疔口出臭氣暑痰中暈眩冒黃疸頭疼冷痰骨痺四肢不舉氣刺痛酒痰飲酒不消但得酒次日又吐脾虛生痰食不美反胃嘔吐氣痰攻注走刺不定婦人於驚痰最多蓋因產內交接月事方行其驚因虛而入結成塊者為驚痰必有一塊在腹發則如身孕轉動跳躍痛不可忍 凡手臂或動不得或骨節遍身痛坐臥不寧此痰入骨也 有人脚氣久不治骨節痛與脚氣藥不效此痰病也 凡傷寒病後嘔吐藥不得入亦因物病膈中有涎痰也或因下之太早而遂議其非痰未為確論 傷寒發黃亦是痰病蓋因執搏而成凡大便秘者亦是痰結 右前件諸症變生不一甚不易辨指下難求得此妙訣 慎勿輕傳

凡有痰者眼皮及眼下必有烟灰黑色舉目便知不待切脈 眼黑而頰赤者熱痰也面大黃色亦熱痰也外症必煩滿膈熱口乾思冷大便秘結小便赤熱久必生風或眩暈耳鳴眼花多虛症治之而用熱藥服久必脈大實發大熱而中風可急下之 眼黑而行步呻吟舉動艱難者入骨痰也其症遍體骨節疼痛 眼黑而面帶土色四肢痿痺屈伸不便者風濕痰也 眼黑而氣短促者驚風痰也 左右關脈大者膈中有痰也可吐之怕吐者消息下之 凡人每日背上一條如線而寒起者宜吐下之

妙應丸
加減法

凡病百藥不效其關上脈伏而大者痰也用妙應丸加減法方見走注痰 脚氣加明松脂一錢檳榔木瓜各一兩卷栢半兩先以鹽水煎半日次日白水煮半日同煎藥為丸每服二十九加至四五十丸再服下惡物立效 驚風痰

深痰九
治症

加硃砂二錢又加全蝎每用八九丸常與之三五服去盡
酒痰加雄黃全蝎各二錢每服十九 走注腰痛加核
桃三箇燒灰每服三十九加至五十九溫酒下 脚氣走
注於前方內加吳茱萸 驚氣成塊者加川山甲炒鱉甲
燒各三錢玄胡索蓬朮各四錢每服五十九加至七十九
以利爲度 腎痺痛加木鱉子去殼研一兩桂半兩 熱
痰加益硝等分每服三兩丸 寒痰加胡椒丁香蝎桂各
等分每服二十五丸

洞風痰之爲病成偏頭風成雷頭風成太陽頭痛眩暈如
坐舟車精神恍惚或口眼腫動或眉稜耳輪俱痒或頰腮
四肢遊風腫硬似疹非疹或渾身燥痒搔之則隱疹隨生
皮毛烘熱色如錦斑或齒頰似痒似痛而疼無定所滿口
牙浮痛痒不一或暖氣吞酸鼻聞臭喚問豈腥氣心煩

醫學綱目卷五

六

鼻塞咽隘不利咯之不出咽之不下或因噴嚏而出或因
舉動而唾其痰如墨又如破絮或如桃膠或如蜆肉或心
下如停水鐵閉滯妨悶噁連聲狀如膈氣或寢夢刑戮
刀兵劍戟或夢入人家四壁圍遶暫得一竇百計得出則
不知何所或夢在燒人地上四面烟火枯骨焦氣撲鼻無
路可出或不因觸發忿怒悲啼雨淚而寤或時郊行忽見
天邊兩月交輝或見金光數道回頭無有或足膝酸軟或
骨節腰腎疼痛呼吸難任或四肢肌骨間痛如擊戳乍起
乍止並無常所或不時手臂麻疼狀如風濕或臥如芒刺
不安或如毛虫所螫或四肢不舉或手足重滯或眼如薑
蜃膠粘痒溢開闔甚難或陰晴交變之時胸痞氣結閉而
不發則齒痒咽痛口糜舌爛及其奮然而發則噴嚏連聲
初則涕唾稠粘次則清水如注或眼前黑暗腦後風聲耳

內蟬鳴眼瞶肉惕治之者或曰腠理不密風府受邪或曰上盛下虛或曰虛或曰寒或曰發邪惟洞虛子備此疾苦乃能治療病勢之來則胸腹間如有二氣交紐噎塞煩鬱有如烟火上衝頭面烘熱眼花耳鳴痰涎涕淚並從肺胃間湧起凜然毛豎噴嚏千百然後遍身煩燥則去衣凍體稍止片時或春秋乍涼之時多加衣衾亦得暫緩或頓飲冰水而定或痛飲一醉而寧終不能逐去病根乃得神秘沉香丸方屢獲大效愈人數萬但不欲輕傳匪人故以隱語括之詩曰甌裏翻身甲帶金於今頭戴草堂深相逢二八求斤正硝煨青礞倍若沉十七兩中沉半兩水丸梧子意須斟除驅怪病安心志水瀉雙身却不任

大黃

蒸八兩

黃芩

八兩

青礞石

一兩硝煨如金色

沉香

兩半

入醫學綱目卷三

元

右為末水丸如梧子大白湯食後空心服 一切新舊失心喪志或癲或狂等症每服一百丸氣盛能食狂甚者加二十九臨時加減消息之 一切中風癱瘓痰涎壅塞大便或通或結者每服八九十九丸或加至百丸永無秘結之患 一切陽症風毒脚氣遍身游走疼痛每服八九十九丸未效加至百丸 一切無病之人遍身筋骨疼痛不能名者或頭疼牙痛或搖或痒風蛙等症風寒鼻塞身體或疼或不疼非傷寒症者服八九十九丸痰盛氣實者加之 一切吞酸噯逆膈氣及胸中疼悶腹中氣塊衝上嘔沫吐涎狀如翻胃心下恍惚如畏人捕怵惕不安陰陽關格變生乖症食飢傷飽憂思過慮心下嘈雜或痛或噦或晝夜虛飽或飢或不喜食急慢喉閉赤眼每用加減服 一切新舊痰氣喘嗽或嘔吐頭暈

目眩加減服之 一切顛頤腫硬若癩癩者及口糜舌爛咽喉生瘡者每服六七十丸加蜜少許一處嚼碎噙化睡時徐徐嚙之曾有口瘡者服二三十丸依前法噙之二三夜瘥 一切男婦大小虛實心疼連腹身體羸瘦發時必嘔綠水黑汁冷涎乃至氣絕心下溫煖者量虛實加減服之若事屬不虞之際至於百丸卽便回生未至顛危者虛弱疑似之間只服三十九或五十九立見生意然後續續進之以瘥爲度兼服生津化痰溫中理氣之藥 一切荏苒疾病凡男婦患非傷寒內外等症或酒色過度或吐血或月事愆期心煩志亂或腹脹脇痛勞倦痰眩或暴行日中因暑伏痰口眼喎邪目痛耳憤鼻塞骨節酸疼乾嘔惡心諸般內外疼痛百藥無效衆醫不識者依前法加減服之效大抵服藥須臨臥

在床用熱水一口許嚥下便臥令藥在喉膈間徐徐而下如日間病出不測疼痛不可忍必欲急除者須是一依前臥法服大半日不可食湯水及不可起身行坐言語直候藥丸除遂上焦痰滯惡物過膈入腹然後動作方能中病每夜須連進二次次日痰物既下三五次者仍服前數下五七次或只下二三次而病勢頓已者次夜減二十九頭夜所服並不下惡物者次夜加十九人壯病實者多加至百丸惟候虛實消息之或服過仰臥咽喉稠粘壅塞不利者痰氣泛上乃壅病相攻之故也少頃藥力旣勝自然寧帖徃徃病久結實於肺胃之間或只暴病全無泛濫者服藥下咽卽仰臥頓然百骸安靜五臟清寧次早先去大便一次其餘遍數皆是痰涕惡物看甚麼糞用水攪之盡係痰片粘涎或稍稍腹痛

腰腎拘急者蓋有一種頑痰惡物閉氣滑腸裏急後重者狀如痢疾片餉卽已若有痰涎易下者快利不可勝言頓然滿口生津百骸爽快間有片時倦怠者蓋因連日病苦不安一時爲藥力所勝氣體暫和如醉得醒如浴方出如睡方起此藥並不洞泄刮腸大瀉但取痰積惡物自腸胃次第而下腹中糟粕並不相傷其推下腸腹之糞則藥力所到之處是故先去其糞其餘詳悉不能備述服者當自知之

黃連導痰湯二陳湯加黃連枳實是也

方 黃芩利膈丸利胸中熱治膈上痰

黃芩生炒各一兩 南星三錢 半夏五錢 黃連三錢

枳殼三錢 白朮五錢 陳皮三錢 澤瀉五錢

白礬五分

入 醫學綱目卷三十一

三

右爲末水浸蒸餅丸每服三四十九白湯下食遠服

方 中和丸

蒼朮 黃芩 半夏 香附

各等分爲末蒸餅糊丸

方 小黃丸化痰止涎除濕和胃氣治胸膈不利

黃芩一兩 乾薑二錢 白朮半兩 半夏薑製五錢

澤瀉三錢 黃芪半兩

右爲末蒸餅糊丸白湯下

風痰雜

方 祛風丸有人喜食酸醎酒色過節滲注成痰飲聚於胸

膈滿則嘔逆惡心涎流一臂麻木升則頭目昏眩降則腰

脚疼痛深則左癱右瘓淺則厥然倒地此藥覺中祛痰搜

風理氣和血駐顏延年益壽

半夏麴 荆芥各四兩 槐角子炒 白礬生

橘紅

硃砂各一兩

右為末薑汁糊丸每服五六十九生薑皂角子仁湯送下日三服

玄導痰丸

半夏六兩分作三處一分藥水浸一分肥皂角為味水浸一分用巴豆百粒同水煎

右餘藥在下半夏在上浸至十日半月時時動水令二藥相透次相合一處揀去巴豆皂角慢火煮乾取半夏切碎晒乾入

甘遂兩製二兩 百藥煎二兩 僵蚕兩 全蝎二兩

右為末同前半夏末一處合和用揀出皂角鍊膏為丸如硬再入糊令得所每服十五丸實者二十五丸

本膈上有痰川芎丸

川芎二兩細剉慢火熬熟 川大黃二兩蒸令乾

人醫學綱目卷三十一

三

右件焙乾為末用不蛀皂角五七挺溫水揉汁綸瀘出查瓦罐中熬成膏和前二味為丸如桐子大每服十五丸小兒三九生薑湯下

經治風痰用鬱金一分藜蘆十分各為末和勻每服一字用溫漿水調下以餘漿水嗽口仰服以食壓之

五飲湯治五飲最效

旋覆花 人參 陳皮白去 枳實

白朮 茯苓 厚朴製 半夏製

澤瀉 猪苓 前胡 桂心

白芍 甘草炙

右等分每兩分四服薑十片水二盞煎去查溫服無時忌肉食生冷等物因酒成飲加葛根芫花砂仁

倍末丸治五飲一曰留飲停水在心下二曰癖飲水在

方集癩雜

兩脇三曰痰飲水在胃中四曰溢飲水溢在膈五曰流飲
水在脇間漉漉有聲皆由飲水過多或飲冷酒所致

白朮

桂心去皮

乾薑炮各一兩

右為末蜜丸每服二十九溫米飲下加至三十九食前

本治心腹中脘痰水冷氣心下汪洋嘈雜腸鳴多唾口中
清水自出脇肋急脹痛不欲食此胃氣虛冷所致其脈沉
弦細遲旋覆花湯

細辛

陳皮

桂心

人參

甘草

桔梗

芍藥

半夏

旋覆花

已上各半兩

赤茯苓

右為末每服四錢薑七片煎去渣溫服

羅木香半夏丸治痰涎上壅心胸不利常服消痰寬膈

木香七錢

半夏一兩

陳皮

茯苓

人醫學雜覽卷三

三

薑屑

人參

草薺

白附子各五錢

右為末麩糊丸食後生薑湯下三五十丸

氣癰雜方

降痰丸治三焦氣滯下痰飲消食利膈痞滿咳唾稠粘面
熱目赤肢體倦怠不思飲食常服升降滯氣消化痰涎

木香

檳榔

青皮

陳皮

京三稜

枳殼炒

半夏洗湯

大黃

黑牽牛各一兩

右為末麩糊丸食後薑湯下

運氣

運氣痰飲皆屬濕土經云太陰在泉濕淫所勝民病飲積
又云歲土大過雨濕流行甚則飲發中滿又云土鬱之發

飲發中滿又云太陰之勝腹背病滿飲發於中治以諸熱

劑是也

針灸

諸瘵為病頭風喘嗽一切痰飲 豐隆 中脘

心婦人年高風痰作楚脈沉實滑數痰在下則無力在中則胸膈閉悶在上則頭風喘嗽昏運發則抽牽手足皆動

風門沿皮二寸半 巨闕三分 豐隆半寸 肩井五分

用溢飲脇下堅痛中脘主之

痞 不能食 飢不能食 惡食 姪

身惡食

痞者心下痞滿而不能食是也仲景云滿而不痛為痞滿而痛為結

濕主痞 傷寒下 早

夫痞者心下滿而不痛是也太陰者濕也主壅塞乃土來心下為痞滿也傷寒下太早亦為痞乃因寒傷其榮榮者血也心主血邪入於本故為心下痞悶仲景立瀉心湯數方皆用黃連以瀉心下之土邪其效如響應桴故活人書云審知是痞先用桔梗枳殼湯非以此專治痞也蓋因

入醫學綱目卷三

五

雜病下 之太過

虛實

先錯下必成痞症是邪氣將陷而欲過胸中故先用截散其邪氣使不致於痞先之一字早用之義也若已成痞而用之則失之晚矣不惟不能消痞而反損胸中之正氣則當以伸景藥治之經云察其邪氣所在而調治之正謂此也非止傷寒如此至於酒積雜病下之太過亦作痞傷蓋下多亡陰亡陰者謂脾胃水穀之陰亡也故胸中之氣因虛下陷於心之分野故致心下痞宜升胃氣以血藥兼之若全用氣藥導之則其痞益甚而復下之氣愈下降必變為中滿膨脹皆非其治也又有虛實之殊如實痞大便閉者厚朴枳實湯主之虛痞大便利者白芍陳皮湯主之如飲食所傷痞悶者當消導之去其胸中窒塞上逆兀兀欲吐者則吐之所謂在上者因而越之是也

海治痞獨益中州脾土以血藥治之其法無以加矣 傷

攻補兼施

黃芪補中湯

寒痞者從血中來雜病痞者亦從血中來雖俱為血症大抵傷寒之症從外至內從有形至無形故無形氣症以苦泄之有形血症以辛甘散之中滿者勿食其不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也無形氣症以苦泄之者枳實黃連之類是有形血症以辛甘散之者仲景人參湯是也

黃芪五分

人參八分

甘草

白朮

蒼朮各五分

陳皮五分

澤瀉

猪苓

茯苓各三分

用水煎至七分溫服送下大消痞丸

治一婦人因有大不如意事遂致膈滿不食因循累月積成癥痞不能起坐至午已間必發熱面赤酉戌後熱退

醫皇綱卷三

三

面赤亦退至夜小便雖數每出數滴而已六脈沉澁而短小左右一般重取皆有經水雖按月亦數滴而已予曰此志不遂而氣鬱胃有瘀血而血亦虛鬱氣成痰在中官却不食兼用補瀉之治法以白朮二錢人參茯苓各一錢紅花一莖大陳皮一錢煎取濃湯一呷食前熱服之少頃藥行後與半匙稀粥又少頃用減輕粉牽牛二花丸如芝蔴大以津唾下十五丸一日一夜煎藥丸藥各服四遍至次日方食知味又次日食稍進第三日則熱退面赤不赤如此七日飲食起坐平復如初

三蟠口渴食少氣痞脈弦

白朮

青皮

半夏各二錢

乾葛一錢半

木通錢一

甘草煖少許

分二貼薑二片煎下與點丸三十九保和丸二十九

葶藶丸治心下痞胸中不利

苦苧藤酒浸人參各三錢

甘草根炙羌活

柴胡獨活各二錢

黃芩三錢半酒浸半炒

砂仁茵陳酒炒各一錢

白芷蕤青皮

厚朴半夏各五錢

當歸身七錢

右為末蒸餅丸節內水發如米大臨臥白湯服一錢

木香消痞湯治因憂氣鬱結中脘腹皮急微痛心下痞滿

不思飲食亦不散常覺痞悶

柴胡陳皮各八分

甘草炙半夏一錢

生薑梔二錢

紅花許枳實一錢

木香草薹一錢

作一服水煎去香食前熱服忌酒麪等物

無形氣
瘕以苦
大消痞丸治一切心下痞滿及積年久不愈者

人醫學綱目卷三

三

黃芩黃連炒各六錢

薑黃白朮各一錢

人參甘草各二錢

砂仁枳實炒各五錢

半夏製四錢

乾薑陳皮各二錢

澤瀉厚朴各二錢

豬苓神麩炒各一錢

右為末水浸蒸餅為丸每服六七十丸至百丸食遠白

湯下

黃連消痞丸治心下痞滿壅塞不散煩熱喘促不寧

黃連枳實炒各七錢

乾薑半夏各七錢

黃芩茯苓各一兩

白朮甘草炙各三錢

薑黃澤瀉各一兩

豬苓

右為末湯浸蒸餅為丸每服五七十丸白湯食前下

失笑丸治右關脈浮弦心下濕痞惡食懶倦開胃進食

枳實黃連各五錢

乾薑半夏各三錢

厚朴灸四錢 人參五錢 甘草灸二錢 白朮三錢

麥蘖二錢

右為末水浸蒸餅為丸每服三十九丸白湯送下不拘時量虛實加減服

丹 小娘心頭痞悶口乾面微黃脈洪

黃連 半夏 白朮 青皮

木通各三錢

分三貼薑煎去渣熱服下保和丸十五丸

回金丸瀉肝火行濕與熱能開痞結治肝邪補脾土

黃連六兩 吳茱萸一兩

右為末水浸蒸餅為丸一方用黃連六兩吳茱萸半兩

一名佐金丸

海少陰面赤下痢心下痞瀉心湯加減例易老单用黃連

人醫學綱目卷五十一

瀉心湯用錢氏法後隨症加減 煩者加山梔 燥加香

豉 嘔加半夏 滿加枳實厚朴 腹痛加芍藥 脈遲

加附子 下焦寒加乾薑 大便秘加大黃 如用薑附

先煎令熟使熱不替後加黃連同用

羅 枳實理中丸治中脘痞滿滯氣不消積寒停冷飲食不

化方見

羅 人參湯治胸痺心痞方見 半夏瀉心湯治痞滿關脈

沉方見

羅 一女子在家因事不如意鬱結在脾半年不食每日食

量數放適喜餵頭亦能少食惟深惡粥飯予診其脾氣非

枳實不能散遂以溫膽湯去竹茹與服經三月服二百貼

而愈 又一女子二十餘許婚後夫遠出二年不歸女子

病重不食困臥如痴他無所苦諸醫不效予往治之見女

有形血
症字甘
攻之

脾氣鬱
結

向裏床而睡形體羸瘦予思之此氣結病也藥不能治得
怒可解予往激其怒掌其面三日責以不得有外思女果
大怒而哭待其哭一二時許令其父母解之進藥二貼卽
欲食矣予謂其父母曰雖愈必得喜方可解若再思則結
氣必復至矣其父因僞作其夫有書回約日成婚一月餘
其夫果婦病得全愈

飲食傷

飲食傷脾胃痞悶輕者大消痞丸枳木丸回金丸之類甚者
微下之吐之下之者檳榔丸煮黃丸吐之者二陳湯及瓜
蒂散探吐之是也

治膈下冷氣及酒食飽滿常服用青皮四兩分作四分
一分用湯浸一宿去穢餘三分用鹽二兩拌勻良久銚內
微炒焦爲末每服一錢半茶末五分水一盞煎七分放溫
常服用沸湯點服尤妙

入醫學綱目卷三

天

寒熱

寒痞辛甘散之枳實理中丸之類是也熱痞苦寒泄之大
消痞丸之類是也

治痞軟石膏研末醋糊丸服能瀉胃火食積痰火

運氣

運氣有三

一曰濕痞經云土平氣曰備化備化之紀其病痞又云太
陰所至爲畜滿爲積飲痞膈又云太陰司天之政民病寒
濕痞逆又云土鬱之發痞堅腹滿又云土不及曰卑監卑
監之紀其病留滿痞塞是也

二曰寒痞經云水鬱之發民病痞堅腹滿又云太陽之復
心痛痞滿是也

三曰燥痞經云陽明之復甚則痞滿是也

針灸

問井主心下滿十二經皆有井當治何井 假令善潔
面青善怒是少陽經受病當治金井竅陰是也 假令滿

禁忌

閉淋洩便難轉筋足厥陰肝經受病當治木井大敦是也
假令頭項痛腰脊強發熱惡寒足太陽膀胱受病當治
陽井至陰是也 假令手足自溫自利不渴足太陰脾受
病當治陰井隱白是也

○藥戒○客有病瘡者積於其中伏而不得下自外至者
捍而不得納從醫而問之曰非下之不可歸而飲其藥既
飲而暴下不終日而向之伏者散而無餘向之捍者柔而
不支焦膈通達呼吸開利快然若未始有疾者不數日瘡
復作投以故藥其快然也亦如初自是不踰月而瘡五作
五下每下輒愈然客之氣一語而三引體不勞而汗股不
步而慄肌革無所耗於前而其中藹然莫知其所來嗟夫
心瘡非下不可已予從而下之術未爽也藹然獨何如聞
楚之南有良醫焉往而問之醫笑曰子無怪是藹然者也

八醫學綱目卷三

无

凡子之來固爲是藹然也坐吾語汝天下之理有甚快於
吾心者其末也必有傷求無傷於其中則無望快於吾心
夫陰伏而陽蓄氣與血不運而爲瘡橫乎子之胸者其累
大矣擊而去之不須臾而除甚大之累和平之物不能爲
也必將搏擊震撓而後可夫人之和氣冲然而其微泊乎
其易危擊搏震撓之功成而子之和亦已病矣由是觀之
則子之瘡凡一快者則子之和亦一傷矣不踰月而快者
五子之和平之氣不旣索乎故藹然如不終日也且將去
子之瘡而無害於和也子歸燕居三月而後與之藥可爲
也密歸三月齋戒而復請之醫曰子之氣少復矣取藥而
授之曰服之三月而疾少平又三月而少康終年而可復
常且飲藥不得亟進客歸而行其說然其初使人慙然而
遲之蓋三投藥而三反之也然日不見其所攻之效久鞫

則月異而時不同終歲而疾平矣客謂醫再拜而謝之坐而問其故醫曰此醫國之說豈特施之於病哉予獨不見秦之治民乎捍而不聽令墮而不勤事故而不畏法令之不聽治之不變則秦之民常瘡矣商君見其瘡也厲以刑法威以斬伐悍厲猛鷲不毫髮少貸痛刻而力鉏之於是乎秦之政如建瓴流通四達無敢或拒而秦之瘡常一快矣自孝公以至二世凡幾瘡而幾快矣頑者已圯強者已柔而秦之民無懽心矣故猛政一快者歡心一亡積快而不已而秦之四肢枵然徒具其物而已民心日離而君孤立於上故匹夫大呼不終日而百姓皆起秦欲運其手足肩膂而漠然不我應故秦之亡也是好爲快者之過也昔者先王之民其初亦嘗瘡矣先王豈不知砉然擊去之以爲速也惟懼其有傷於中也故不敢求快於吾心優柔而

入醫學綱目卷五

三

撫育之教以仁義道以禮樂陰解其亂而除去其瘡旁視而憊然有之矣然月計之歲察之前歲之俗非今歲之俗也不擊不搏無所忤逆是以日去其戾氣而不嬰其歡心於是政成教達安樂久而後患除矣是故三代之治皆更數聖人歷數百年而後俗成則予之藥終年而疾愈蓋無足怪也故曰天下之理有甚快於吾心者其末也必有傷求無傷於其終則無望快於予心雖然豈特治天下爲然哉客再拜而紀其說

不能食

心下不痞滿自不能食也

虛竇

虛虛雜

治大人小兒不進乳食和氣去痰用人參四兩半夏一兩薑汁浸一宿曝乾爲末麪糊丸食後生薑湯下

和中丸開胃進食

則月異而時不同終歲而疾平矣客謂醫再拜而謝之坐而問其故醫曰此醫國之說豈特施之於病哉予獨不見秦之治民乎捍而不聽令墮而不勤事故而不畏法令之法威以斬伐悍厲猛鷲不毫髮少貸痛剗而力鉏之於是乎秦之政如建瓴流通四達無敢或拒而秦之瘡常一快矣自孝公以至二世凡幾瘡而幾快矣頑者已圯強者已柔而秦之民無懽心矣故猛政一快者歡心一亡積快而不已而秦之四肢愕然徒具其物而已民心日離而君孤立於上故匹夫大呼不終日而百姓皆起秦欲運其手足肩臂而漠然不我應故秦之亡也是好爲快者之過也昔者先王之民其初亦嘗瘡矣先王豈不知肅然擊去之以爲速也惟懼其有傷於中也故不敢求快於吾心優柔而撫育之教以仁義道以禮樂陰解其亂而除去其瘡旁視而憊然有之矣然月計之歲察之前歲之俗非今歲之俗也不擊不搏無所忤逆是以日去其戾氣而不嬰其歡心於是政成教達安樂久而後患除矣是故三代之治皆更數聖人歷數百年而後俗成則予之藥終年而疾愈蓋無足怪也故曰天下之理有甚快於吾心者其末也必有傷求無傷於其終則無望快於予心雖然豈特治天下爲然哉客再拜而紀其說

不能食

心下不痞滿自不能食也

虛實

脾虛難
任脈會

治大人小兒不進乳食和氣去痰用人參四兩半夏一兩薑汁浸一宿曝乾爲末麪糊丸食後生薑湯下

和中丸開胃進食

乾薑一錢

人參一錢

木瓜一枚

白朮三錢

甘草一錢

陳皮一錢

右為末蒸餅糊丸食前白湯下三五十九

七珍散開胃進食補脾養氣

人參

白朮

黃芪蜜

山藥

白茯苓

粟米微

甘草分

右為末每服二錢薑棗煎服如故不思飲食加匾荳一

兩名八珍散此方溫平不熱常服飲食自倍

六神湯治傷寒虛羸不思飲食

人參

白朮

黃芪各一兩

枳殼一方用

白茯苓各半兩

甘草二錢

右為末每服五錢薑棗同粳米合許煎食前服

羅錢氏異功散治脾胃虛弱難任飲食異功散用人參白茯苓白朮甘草

人醫學綱目卷三二

三

紅木香各等分薑棗煎服

羅謙甫云脾胃弱而飲食難任者不可一槩用克伐之劑

宜錢氏異功散補之自然能食設或嗜食太過傷脾而痞

滿嘔逆權用枳實丸一服慎勿多服予嘗治翁氏久瘧食

少汗多先用補劑如黃連枳實月餘食反不進汗亦不止

因悟謙甫此言遂減去枳連純用補劑又令粥多於藥而

食進又於原方內加附子三分半一服而愈

寬中進食丸滋形氣喜飲食

草薢仁五錢

砂仁五分

半夏麴七錢

麥芽炒一

枳實炒四錢

神麴炒半兩

甘草一錢半

乾薑一錢

陳皮三錢

木香五分

白朮

白茯苓各二錢

猪苓

澤瀉

人參

青皮各一錢

右為末湯浸蒸餅為丸每服三五十九白湯下

脾胃有積不進食

和中丸治病久虛弱厭厭不能食而臍臍或秘或溇常服和中理氣消痰進食去濕厚腸胃

厚朴薑製一兩 白木一兩半 半夏製一兩 橘紅一錢

檳榔四錢 枳實麩炒三錢 木香半兩 甘草各三錢半

右為末生薑汁浸蒸餅丸每服五六十丸食遠白湯下

木香枳木丸 木香乾薑枳木丸能開胃進食見內傷

飲食

交泰丸升陽氣瀉陰火調榮氣進飲食助精神寬腹脹除怠惰嗜臥四肢不收沉困懶倦

知母四錢一半生一半酒炒 柴胡半兩 厚朴去皮炒

冬加七錢 人參一錢 黃連一錢秋冬減一錢半

苦練酒煮三錢 肉桂去皮一錢 白茯苓三錢 皂角去皮炒

紫苑去苗六錢 小椒炒去汗併開一錢半 白木二錢

醫學綱目卷三

三

川烏頭四錢 乾薑炮三錢 巴豆霜半兩 吳茱萸湯洗

砂仁三錢

右除巴豆霜另研入餘俱為細末蜜丸每服三四十九

溫水下量虛實加減

寒熱 人參半夏丸下痰進食方見咳

虛蒸 治一男子因服熱藥多又性急形瘦多倦食少此時四月後與此方分作十四貼食後煎熱下大補丸十五粒

白木一兩 炒麩兩 陳皮七錢 黃芩六錢

人參 知母炒 麥門冬 木通各半

生甘草 炙甘草各二錢

又治勞苦不思飲食

白木三錢 滑石 白茯苓各一錢

水煎服下保和丸三十九

濕熱打

治脚氣瘦倦不思飲食

白朮二兩

蒼朮

陳皮

黃連

黃栢

半夏各半兩

匾栢七錢半

香附一兩

白芍藥一兩

右為末薑汁糊丸

憂抑傷脾不思飲食

黃連炒

芍藥炒

香附

青六散末方

滯下卽六一散
加紅曲二兩

右薑汁浸炒餅為丸

濕痰氣滯不思穀食三補丸加蒼朮倍香附

治脾氣久虛不進飲食停飲脇痛麴朮丸

神麴炒十兩

白朮五兩

乾薑

官桂各二兩

吳茱萸

川椒各三兩

不醫學綱目卷五

薑

右為末薄糊丸每服三五十九食則薑湯下有飲加白

朮二兩此方自試有效

二神丸治脾腎虛弱全不進食

破故紙炒四兩
肉苳菟生二兩

右為末用肥棗四十九箇生薑四兩切片同煮棗爛去

薑取棗剝去皮核用肉研為膏入藥末和杵丸如桐子

大每服三四十九丸鹽湯下有人全不進食服補脾藥皆

不效予授此方服之頓能進食此病不可全作脾氣治

蓋腎氣怯弱真元衰削是以不能消化飲食譬之鼎釜

之中置諸米穀下無火力終日米不熟其何能化黃魯

直嘗記服兔絲子淘淨酒浸曝乾日挑數匙以酒下之

十日外飲噉如湯沃雪亦知此理也

胃弱不思飲食腸鳴腹痛食亦不化 三里 三陰交

針灸

脾腎虛寒

寒飲

東三焦停水氣攻不食身黃微熱胃中有寒故也 維道
中封 胃俞 腎俞

撮三焦邪熱不嗜飲食 關元一分沿皮向後三分灸

東全不思食 然谷出筋立配

脈浮滑而疾者食不消脾不磨 陽脈滑而緊滑則胃氣

實緊則脾氣傷得食不消者此脾不和也枳朮丸之類治之

仲寸口脈微而濇微者衛氣不行濇者榮氣不達榮衛不

能相將三焦無所仰身體痺不仁榮氣不足則頭疼口難

言衛氣虛則惡寒數欠三焦不歸其部上焦不歸者噫而

吞酸中焦不歸者不能消穀引食下焦不歸者則為遺洩

異功散之類治之

飢不能食

飢不能食 靈黃帝曰人之善飢而不嗜食者何氣使然岐伯曰精氣

入醫學綱目卷三

三言

并於脾熱氣留於胃胃熱則消穀穀消故善飢胃氣逆上

則胃脘寒故不嗜食也大惑

運氣 運氣飢不欲食皆屬濕邪傷腎經云太陰司天濕淫所勝

民病心如懸飢不欲食治以苦熱是也

針灸 鍼灸飢不欲食有一法

其一清胃經云胃者水穀之海其膈上在氣衝下至三里

水穀之海不足則飢不受穀審守其膈調其虛實是也

其二取腎經云腎足少陰之脈是動則病飢不欲食心如

懸苦飢狀視盛虛熱寒陷下取之也

飢不能食飲食不下嘔而雷鳴 大迎 中極 食竇

又法 期門 章門

診 冬脈不及為病在中令人心懸如飢全文見治虛實法

寸口脈弱遲弱者胃氣微遲者榮中寒榮為血虛則

發熱胃為氣氣虛則發厥

惡食

胃

素太陰所謂惡聞食臭者胃無氣故惡食臭也

丹惡食者胸中有物導痰補脾二陳加白蒼查芩湯

白朮

山查

川芎

蒼朮

半夏

陳皮

茯苓

甘草

頭失笑丸治虛痞惡食方見

方見

妊娠惡食

虛

大治妊娠惡食

人參兩

厚朴

生薑

枳殼

甘草各

水煎服

凡妊娠惡食者以所思食任意食之必愈

消瘴門

胎前產後渴

口燥咽乾

醫學綱目卷三

三五

卡臟

渴而多飲為上消 消穀善飢為中消 渴而便數有膏為下消

上消者舌上赤裂大渴引飲逆調論云心移熱於肺傳

為膈消是也以白虎加人參湯主之渴古曰上消者上焦

飲水而少食大便如常小便清利知其燥在上焦治宜濡濕以潤其燥

中消者善食而瘦自汗大便硬小便頻數叔和云口乾飲

水多食亦飢虛癯成為消中者是也以調胃承氣湯及三

黃丸主之澀古云中消者胃也渴而飲食多小便赤

下消者煩燥引飲耳輪焦乾小便如膏叔和云焦煩水易

虧此腎消也以六味地黃丸主之澀古云腎消者病在下

如膏油之狀至病成面色焦黑形瘦而耳焦小便

右上消者經謂之膈消膈消者渴而多飲是也中消者

經謂之消中消中者渴而飲食俱多或不渴而獨飲是

也。下消者，經謂之腎消。腎消者，飲一溲二，其溲如膏油，卽脬消。消中之傳變，王註謂肺臟消燥，氣無所持是也。蓋肺藏氣，肺無病，則氣能管攝津液，而津液之精微者，收養筋骨血脈。餘者爲溲。肺病則津液無氣管攝，而精微者亦隨溲下，故飲一溲二，而溲如膏油也。筋骨血脈無津液以養之，故其病成漸形瘦焦乾也。然肺病本於腎虛，腎虛則心寡於畏，妄行凌肺而移寒與之。然後肺病消，故仲景治溲而小便反多，用腎氣丸補腎救肺。後人因名之腎消。及下消也。或曰：經既云肺消，死不治。仲景復用腎氣丸治之，何也？曰：飲一溲二者，死不治。若飲一未至溲二者，病尚淺，猶或可治。故仲景腎氣丸治飲水一斗，小便亦一斗之症。若小便過於所飲者，亦無及矣。

病式服藥

菽猪肚湯

小承氣湯

參瀉養腎瀉瀉

三消分水火圖

羊肉冬瓜湯

腎氣丸 聖黃丸

消渴手太陰

消渴足陽明

腎消足少陰

麥冬飲子

易老順氣散

裝毒製毒煎

消渴未傳惡疽中滿不治

論消渴未傳能食者，必發腦疽背瘡，不能食者，必傳中

滿鼓脹。聖濟總錄皆爲必死不治之症。潔古分而治之，能食而渴者，白虎加人參湯主之。不能食而渴者，錢氏白朮散倍加葛根主之。上中既平，不復傳下消矣。前人用藥厥有旨哉。或曰：未傳瘡疽者何也？此火邪勝也。其瘡痛甚而不潰，或赤水者是也。經曰：有形而不痛者，陽之類也。急攻其陽，無攻其陰。治在下焦，元氣得強者生，失強者死。未傳

中滿者何也。以寒治熱。雖方士不能廢繩墨。而更其道也。然臟腑有遠近。心肺位近。宜制小其服。腎肝位遠。宜制大其服。皆適其所至。所為故知過與不及。皆誅罰無過之地也。如膈消中消制之太急。速過病所久。而成中滿之疾。正謂上熱未除。中寒復生者。非藥之罪。失其緩急之宜也。處方之際。宜加審焉。

禁忌

總錄論消渴有三種。一者渴而飲水多。小便數。有脂似麩片而甜者。消渴病也。二者吃食多。不甚渴。小便少。有似油而數者。消中病也。三者雖渴飲水不能多。腿脚瘦。小痿弱。小便數。此腎消病也。特忌房勞。千金云。消渴病宜慎者有三。一飲酒。二房勞。三鹹食及麪。能慎此三者。雖不服藥亦自可愈。消渴之人。愈與未愈。嘗須慮患。大癰必於骨節間。忽發癰疽而卒。

八醫學綱目卷五

七

帝曰。夫子數言熱中消中。不可服膏梁芳草石藥。石藥發瘰。芳草發狂。夫熱中消中。皆富貴人也。今禁膏梁是不合其心。禁芳草石藥。是病不愈。願聞其詳。岐伯曰。芳草之氣美。石藥之氣悍。二者其氣急疾。堅勁。故非緩心。和人不可以服此二者。帝曰。不可以服此二者。何以然。岐伯曰。熱氣慄悍。藥氣亦然。二者相遇。恐內傷脾胃者。土也。而惡木。服此藥者。至甲乙日更論。腹中論。玉註云。多飲數波。謂之即白芷石藥。即鍾乳之類。

濕氣太過者。當用之。若無濕用之。是犯禁也。

靈黃帝曰。人之善病消瘴者。何以候之。少俞答曰。五臟皆柔弱。善病消瘴。黃帝曰。何以知五臟之柔弱也。少俞曰。夫柔弱者。必有剛強。剛強多怒。柔者易傷也。黃帝曰。何以

診

候柔弱之與剛強曰此人薄皮膚而目堅固以深者長衝直揚其心剛剛則多怒怒則氣上逆胸中蓄積氣血逆留臈皮充肌血脈不行轉而為熱熱則消肌膚故為消瘰此言其人暴剛而肌肉弱者也五變 鶻鶻弱小以薄者心脆心脆則善病消瘰熱中 肩背薄者肺脆肺脆則善病消瘰易傷 脇骨弱者肝脆肝脆則善病消瘰易傷 唇大而不可堅者脈脆脈脆則善病消瘰易傷 耳薄不可堅者腎脆腎脆則善病消瘰易傷全文見 心脈微小為消瘰滑甚為善渴 肺脈微小為消瘰 肝脈微小為消瘰小甚為多飲 脾脈微小為消瘰 腎脈微小為消瘰 諸脈小者陰陽俱不足也勿取以針而調以甘藥全文見治虛實法 凡治消瘰肥貴人則膏梁之疾

心脈奕而散者當消渴自己脈要精微論 帝曰消瘰何如

八醫學綱目卷三

夫

岐伯曰脈實大病久可治脈懸小堅病久不可治虛實論

難病若開目而渴心下牢者脈當得緊實而數反得沉澹而微者死也十七難

脈消渴脈數大者生細小浮短者死

渴而多飲為上消

治消渴養氣 降火 生血為主 苳萋根治消渴之

神藥

心移熱於肺傳為膈消全文見診病傳變王註云心膈兩膈膈膈故心熱入膈久傳化內為膈熱消渴而多飲也

能食為實難

潔古云能食而渴者白虎倍加人參湯主之不能食而渴者錢氏白朮散加葛根大作湯劑廣服之

人參石膏湯治膈消上焦煩渴不欲多食

人參五錢

石膏兩

知母七錢

甘草四錢

每服五錢水煎食後溫服

錢加減地骨皮散治上消

知母

柴胡

甘草炙

半夏

地骨皮

赤茯苓

白芍藥

黃芪

石膏

黃芩

桔梗

右為細末每服三錢薑五片水煎食遠溫服

酒白朮散治虛熱而渴

人參

白朮

白茯苓

甘草各一兩

乾葛二兩

藿香一兩

木香一兩

右為末每服三錢煎溫服如飲水多多與服之海藏云加減法治瀉勝氣脫泄利大便

海治脾胃虛弱大渴不止而食少小便不利大便不調精神短少腹窄狹如繩束之

醫學綱目卷三

堯

白茯苓皮去

橘紅各一兩

生薑兩

右為末煉蜜丸如彈子大每服二九白湯化空心服忌

生冷硬物怒發思慮過度如脈弦或腹中急甚者加甘草三錢

易老門冬飲子治老弱虛人大渴

人參

枸杞子

白茯苓

甘草各三兩

五味子兩

麥門冬去心半兩

薑水煎服

羅門冬飲子治膈消胸滿心煩精神短少多為消病

知母

甘草炙

瓜蒌仁

五味子

人參

葛根

茯神

生地

麥門冬各一兩

右為籠末每服五錢加竹葉十四片同煎

酒小便不利而渴知內有濕也小便自利而渴知內有燥

濕分燥
濕熱

不能食
為虛熱

也濕宜泄之燥宜潤之

神脈浮小便不利微熱消渴者宜利小便發汗五苓散主之
方見傷寒脈浮發熱渴欲飲水小便不利者猪苓湯主之

本火府丹治消渴方見林壬戌年一卒病渴日飲水三斗

不食者三月心中煩悶時已十月予謂心中伏熱與此藥數服每服五十九溫水下越二日來謝云當日三服渴止又次日三服飲食如故此方本治淋用以治渴效信乎

藥要變通用之

藏器石燕主消渴同水牛鼻和煮飲之渴而小便自利諸方並見下消燥熱條

垣神效生津甘露飲子方見下消燥熱條
垣消渴泄瀉先用白芍白朮各炒為末調服後隨症用藥

醫學綱目卷五十一

平

垣止渴潤燥湯治消渴大便乾燥喜溫飲陰頭短縮舌上白燥唇裂口乾眼澁難開及於黑處如見浮雲

升麻半錢 柴胡七 甘草稍五分 杏仁六

桃仁研 麻仁研 歸身一 紅花許

防風根一錢 荆芥穗一錢 熟地一錢 小椒分

細辛分 黃栢一錢 知母 石膏各一

水煎去查食後熱服

湯分有汗無汗

雜症有汗而渴者以辛潤之無汗而渴者以苦堅之太湯無汗而渴不宜服白虎湯若得汗後脈洪大而渴者宜服之 陽明汗多而渴不宜服五苓散若小便不利汗少

脈浮而渴者宜服之

病後除熱燥清

甘草少許生薑汁冷服 虛者可用人參湯

寒

澤化水丹治手足少陰渴飲不止或心痛者本邪治飲冷水多

川烏脾大者四畜炮去皮

甘草炙一兩 牡礪生三兩

蛤粉用炮者六兩

右為細末醋浸蒸餅為丸每服十五丸新水下心痛者醋湯下立愈飲水一石者一服愈海藏云此藥能化停水

六經渴

隨太陽經渴其脈浮無汗者五苓散滑石之類主之 陽明經渴其脈長有汗者白虎湯涼膈散之類主之 少陽經渴其脈弦而嘔者小柴胡湯加瓜蒌之類主之 太陰經渴其脈細不欲飲縱飲思湯不思水者四君子理中湯之類主之 少陰經渴其脈沉細自利者猪苓湯三黃丸之類主之 厥陰經渴其脈微引飲者宜少少與之

治時氣煩渴用生藕汁一盞入生蜜一合令勻分為三

醫學綱目卷三

三

其發

服 蜜酒方 好乾酵二兩 好蜜三斤 水碗 細麴升

醱麥

右先熬蜜水去沫冷下麴酵每日攪三次熱服 仲渴欲飲水不止者文蛤散主之

文蛤五兩按本草云文蛤味醱與治消渴陳無擇以文蛤為五味子

右一件捍為散以沸湯和服方寸匕

經治一切渴用大牡礪不拘多少於臘月或端午日黃泥裏煨通赤放冷取出為末用鯽魚煎湯下一錢七小兒五分只兩服差

治渴疾飲水不止神效散

白浮石 蛤粉 蟬殼等

右為末用鯽魚膽七箇調三錢不拘時服

又消渴方

白浮石

船上青苔等分麝香許

右為末每服二錢溫湯下

苦堅

黃連九卽瓜蒌根九是也

辛潤

調上焦燥而渴蜜煎生薑湯用大器傾注時時呷之法曰

心肺之病莫厭頻而少飲內經曰補上治上宜以緩又曰

辛以潤之開腠理致津液通則肺氣下流故火氣降而燥

衰矣其渴卽止 有人消渴引飲無度或令食韭苗日用

三五兩不得入鹽但吃得十斤卽效

海千里漿一名水葫蘆

藥水

木瓜

紫蘇葉

桂略一

烏梅肉兩

赤茯苓兩

二方有神麴壹粉

右為末煉蜜丸如彈子大噲化一丸嚥下

齒屬腎水故也

入醫學綱目卷三

里

又方

百藥煎

烏梅肉

紫蘇葉

人參

甘草

麥門冬

右等分為細末煉蜜丸如彈子大噲化

芷梅湯

烏梅肉

甘草略三

百藥煎兩

白芷兩

白檀錢

右為細末湯點服

寒瀉

運氣渴有二

一曰熱助心盛而渴經云少陽司天之政三之氣炎暑至

民病渴又云少陰之復渴而欲飲又云少陽之復隘絡焦

槁渴引水漿治以諸寒劑是也

二曰寒攻心虛而渴經云太陽司天寒氣下臨心火上從

隘乾善渴又云太陽司天寒淫所勝民病隘乾渴而欲飲

又云寒水太過上臨太陽民病渴而妄冒治以諸熱是也

雜方

治消渴用燥絲湯飲之能引腎氣上行朝於口

神吐酸欲得水而貪飲者文蛤飲主之兼治微風脈緊頭痛

文蛤兩五 麻黃 甘草 生薑各三兩

石膏兩五 杏仁枚五十 大棗枚十二

右咬咀以水七升煮取二升溫服一升汗愈

疔甘草石膏湯治渴病全愈再劇舌白滑微腫咽喉嚔唾覺痛噎腫時渴飲冷白沫如膠飲冷乃止

升麻一錢五分 柴胡五分 甘草根五分 黃栢錢一

石膏分六 杏仁分六 槐仁 防風根

荆芥穗 生地各一錢 熟地分三 黃連分三

知母一錢 細辛分一 紅花許少 小椒三箇

梔身一錢

右水煎去查食後熱服

醫學綱目卷五

聖

錄

針灸口渴咽乾有四法

其一取心經云心手少陰之脈是動則病噎乾心痛渴而欲飲隨盛虛寒熱陷下取之也

其二取肺大腸經云大腸手陽明之脈所生病者目黃口乾隨盛虛寒熱陷下以施補瀉疾留之法也又云肺虛則

少氣耳聾噎乾取其經太陰太陽之外厥陰內血者是也其三取腎經云腎足少陰之脈所生病者口熱舌乾咽腫

噎乾隨盛虛寒熱陷下取之又云噎乾口中熱如膠取足少陰是也

其四取肝經云肝足厥陰之脈是動病甚則噎乾面塵脫色隨盛虛寒熱陷下取之

瀉消渴經百日已上者不可刺
炎刺灸則瘡口病水不止

玉液一分瀉見血 三里瀉訖如前補玉液一分再取下穴 關元

瀉訖兩
取廉泉

集 又法 金津 玉液 承漿不巳 海泉 人中 廉

泉 腎俞 氣海

東 小腸俞 陽池各灸之 廉泉 出惡血方巳 又法 胃脘

心脘 臍中 各灸之 又法 承漿 然谷 勞官 曲

地 意舍 關元 各灸之

世 口熱咽乾唾如粘膠口苦噎中介介然 太溪五 陽

陵泉 二十寸半

胃渴飲身體燥多噫隱自主之 消渴嗜飲承漿主之

消渴脫骨主之 噎乾腹痠痛坐臥目慌慌善怒多言伏

溜主之

消穀善飢為中消

虛熱

瘰成為中消 全文見形經云五臟皆柔弱而脆者為消瘰王註云瘰為消熱病也 已食而

醫學綱目卷五

雷

飢者胃疽 平人氣象論云注夏即癰勞病也 穀入多而氣少得之有所

脫血濕居下也 全文見形生死

胃熱則消穀

中熱腸中寒則疾飢小腹痛脹 中熱則胃中消穀 五陰津液

篇

三 陽結謂之消 陰陽別論王註云胃及大腸俱熱結也熱則善消水穀

大陽熱則消水

消三陽者陽明也手陽明大腸主津液所生病熱則目黃

口乾是津液不足也足陽明主血所生病熱則消穀善飢

血中伏火是血不足也結者津液不足結而不潤皆燥熱

為病也此因數食甘美而多肥故其氣上溢轉為消渴治

之以蘭除陳氣也不可服膏梁芳草石藥其氣悍烈能助

熱燥也越人云邪在六腑則陽脈不和陽脈不和則氣留

之氣留之則陽脈盛矣陽脈太盛則陰氣不得榮也故肌肉皮膚消削是也

食甘美所致

醫帝曰有病口甘者病名為何何以得之岐伯曰此五氣之溢也名曰脾瘴夫五味入口藏於胃脾為之行其精氣津液在脾故令人口甘也此肥美之所發也此人必數食甘美而多肥也肥者令人多熱甘者令人中滿故其氣上溢轉為消渴治之以蘭除陳氣也奇病論

虛者瀉

胃熱則善消水穀可飲其辛降火之劑用黃連末生地白藕各自然汁牛乳各一升熬成膏和黃連末一斤九如桐子大每服三五十九少呷白湯下日進十服

酒猪肚丸治消渴

猪肚箇 黃連兩 瓜蒌根兩 麥門冬去心四兩

知母兩

醫學綱目卷三

聖

黃平

為細末納猪肚中線縫置甑中蒸極爛乘熱於石臼中杵可丸為度如硬加少蜜為丸每服三十九漸加至四五十丸渴則服之三四方多粟米杜仲本草云猪肚能補中益氣止渴方見傷寒此初起時宜服之

黃丸方見治發執條

順利散治中熱在胃而能食小便赤黃微利至不欲食為效不可多利

厚朴 枳實兩各一 大黃煨四兩

每服五錢水煎食遠服

食併即消中

大腸移熱於胃善食而瘦又謂之食併全文見於病傳變食併者謂食移易而過不生肌膚亦易飢也東垣云善食而瘦者胃伏火邪於氣分則能食脾虛則肌肉削也胃移熱

於膳亦曰食併同上

參蒲丸治食併胃中結熱消穀善食不生肌肉

人參 赤茯苓 菖蒲 遠志

地骨皮 牛膝酒浸各一兩

運氣

右為末煉蜜丸每服二十九米飲下
運氣消中皆屬熱經云少陰之勝心下熱善飢又云少陽之勝熱客于胃善飢治以寒劑是也

針灸

針灸消中皆取於胃經云邪在脾胃陽氣有餘陰氣不足則熱中善飢取三里灸之又云胃足陽明之脈氣盛則身已前皆熱於胃則消穀善飢熱則清之盛則瀉之

困陰氣不足熱中消穀善肌腹熱身煩狂言三里主之

腹中氣脹引脊痛飲食多而身羸瘦名曰食休每作先取脾俞後取季脇

燥

渴而便數有膏為下消

張安撫芸天年四十五歲病消渴舌上赤裂飲水無度

八醫學綱目卷三

哭

小便數多先師以此藥治之良愈消渴多傳瘡瘍為不救之疾既效亦不成瘡瘍享年七十五而終名之曰生津甘露飲子治消渴上下齒麻舌硬赤爛腫痛食不下腹時脹滿疼痛渾身色黃目白睛黃甚則四肢萎弱無力面塵脫色脇下急痛善嚏善怒健忘醫肉腰背疼寒兩丸冷甚一方石膏用一兩二錢

石膏一錢二分 人參 甘草生 山梔

白芷 連翹 甘草炙

葷澄茄 黃連 薑黃 藿香各一錢

白葵五分 麥門冬 杏仁一錢 歸身

蘭香各五分 黃柏酒炒一錢半 升麻根一錢 木香一錢

桔梗三錢 柴胡根五分 知母酒二錢 全蝎去毒

右為末湯浸蒸餅和勻成劑捏作餅子晒乾杵碎如黃

米大每服二錢挑於掌內以舌舐之津液送下或白湯食後服之神效凡消渴為病燥熱之氣勝也內經云熱溼所勝佐以甘苦以甘瀉之熱則傷氣氣傷則無潤折熱補氣非甘寒之劑不能故以石膏之甘寒為君啓玄子曰滋水之源以鎮陽光故以栝連梔子知母之苦寒瀉熱補水為臣以當歸杏仁麥門冬全蝎連翹白葵蘭香甘草甘寒和血潤燥為佐升麻柴胡苦平行陽明少陽二經葦澄茄白芫薤木香藿香反佐以取之又用桔梗為舟楫使浮而不下也

和血養氣湯治口渴舌乾小便數舌上赤裂此藥生津除燥生肌肉一名地黃飲子

黃連酒七

桃仁六

生地分七

紅花少

黃柏酒一

當歸酒四

甘草分三

升麻錢一

入醫學綱目卷五

芩

知母酒五

防已酒三

羌活分五

麻黃根分三

口乾舌渴加杏仁六

甘草分三

小便數加石

膏分六

右咬咀作一服水煎去渣稍熱服忌酒麪房事

清涼飲子治消中能食而瘦口舌乾自汗大便結小便數

羌活稍一錢

柴胡稍一錢

升麻稍四分

防風稍五分

當歸六分

甘草稍一錢

石膏半錢

知母酒製一錢

紅花許少

防已五分

龍膽草半錢

黃柏半錢

桃仁五

杏仁五

生地酒五分

黃芪根錢一

黃芩酒一

甘草炙一

右水二盞酒一小盞煎服

甘露膏治消渴飲水極多善食而瘦自汗大便結燥小便頻數又名蘭香飲子

石膏錢

知母半錢

甘草生一錢
炙五分
人參五分

防風根一錢

半夏分五

蘭香分五
白芷分五

連翹

桔梗

升麻分五

右為末水浸蒸餅丸或捏劑作薄餅子晒乾碎如米大
每用淡薑湯下二錢

附徐兄年四十歲口乾小便數春未得之夏來求治脰其
兩手左澹右畧數而不弦重取似大而稍有力左稍沉畧
弱而不弦然澹却多於右喜兩尺皆不甚起此由飲食味
厚生熱謂之痰熱禁其厚味宜降火以清金抑肝以補脾
用三消丸十粒左金阿魏丸各五粒以薑湯吞下一日六
次又以四物湯加參朮陳皮生甘草五味子麥門冬煎服
一日三次與九藥間服一二日自覺清快小便減三之二
口亦不乾止渴未除頭暈眼花久坐則腰疼遂以摩腰膏

醫學綱目卷五

哭

治腰疼仍以四物湯用參芪減川芎加牛膝五味子炒栢
麥門冬煎飲調六一散服及覺便多遂去六一散仍服丸
藥而安 黃連末治消渴要藥加天花粉末人乳生地黃
汁生藕汁二物為膏入山藥末搜和以薑汁和煉蜜為膏
徐徐挑於舌上以白湯少許送下亦得能食加軟石膏
治消渴以天花粉為末用人乳汁生薑汁煎膏丸如薑豈
大每服百丸食後服

附治消渴小便多者煮瓜蒌根汁飲之良

世治消渴無方可治者用天花粉大烏頭炒等分為細末
蒸餅丸每服百丸黑豈湯下

已上四方蒺藜根為君本草云蒺藜根主消渴止小便
通月水乳汁夫既能止小便又能通月水知其流濕潤
燥治消渴之要藥也

本千金地黃丸治腎渴

黃連四兩

生地半斤研取汁連查拌

右再為細末煉蜜為丸食後麥門冬湯下五六十九

羅黃連丸治消渴飲水無度小便頻數

黃連

淨半斤用無灰好酒浸一宿重湯蒸一伏時取出晒乾用

右為細末滴水丸白湯下五七十九

又方治卒消渴小便多搗黃連細末蜜丸服三四十九

麥門冬湯治消渴日夜飲水無度飲下即瘦

麥門冬心

黃連

冬瓜各二兩

右為麤末每服五錢水煎八分去查溫服若冬瓜無乾

者用新冬瓜肉三斤去穰分作十二片為十二服每服

用瓜一片劈破水煎日三服

冬瓜飲子治消渴能食而飲水多小便如脂麩片日夜無

度

冬瓜一枚

黃連十兩為細末

右先以冬瓜破開去穰摻黃連末在內却用頂蓋定於

熱灰中煨熟去皮切細爛研絞汁每服一盞至二盞日

三夜一服

本三消丸用好黃連治淨為細末不拘多少切冬瓜肉研

取自然汁和成餅陰乾再為細末用汁浸和加至七次即

用冬瓜末為丸每服三四十九以冬瓜汁煎大麥仁湯送

下尋常渴止一服效

已上五方黃連冬瓜為君丹溪云冬瓜性走而急久病

與陰虛者忌之又有黃連為佐用者審之

食治消渴飲水不止小便數用田螺五升水一斗浸一宿

渴即飲之每日一度易水換螺為妙又方以水煮取汁飲

之螺亦任吃

重劑

子_和治飲水百杯尚猶未足小便如砂或如杏色服此方三五日小便大出毒注下十日除限此方子和自云此重劑試有驗

水銀四錢

錫二錢同水銀炒成砂子

牡礪

密陀僧

知母

紫苑

苦參

貝母各一兩

黃丹半兩

苾蔞根半斤

右為細末男子用不生兒猪肚婦人用獾猪肚一箇納藥於內以麻線縫之用新瓦二片繩繫一二遭別用米一升苾蔞根末半升於新水內煮熟取出放冷不用米及苾蔞只研猪肚併肚中藥末爛和為丸如硬加蜜食前米湯下三四十九三四因方無貝母

酒胡粉散治大渴百方不痊者亦治腎消

入醫學綱目卷五

辛

黃丹

胡粉各半兩

苾蔞根半兩甘草一兩

澤瀉

石膏

赤石脂各半兩白石脂各半兩

右咬咀水煎服日二服如腹痛減之為丸服尤妙每服十九多則腹痛

反佐

葛根九治消渴消腎日飲碩水者

葛根三兩

瓜蔞根二兩黃丹二兩

附子炮去皮臍一兩

右為末煉蜜丸每服十九日進三服春夏去附子

腎虛

六味地黃丸治腎消效方見治虛實法

經治消渴不止下元虛者用牛膝五兩細剉為末生地黃

汁五升晝曝夜浸以汁盡為度蜜丸空心溫酒下三十九

久服壯筋骨駐顏色黑鬚髮生津液

治男子消渴小便反多如飲水一斗小便亦一斗腎氣

丸主之方見治虛實法

字 治腎消以腎氣九本方內加山藥一味外桂附從四時加減冬一兩春秋三錢夏一錢 又法腎氣九去附子加五味子一兩半

本 唐祠部李郎中治消渴者腎虛所致每發則小便甜醫者多不知其故亦缺而不言洪範曰稼穡作甘以物理推之淋餒醋酒作脯法須臾即甜足明人之食後滋味皆甜流在膀胱若腰腎氣盛則上蒸炎氣化成精氣下入骨髓其次為脂膏又其次為血肉其餘則為小便故小便色黃血之餘氣也五臟之氣鹹潤者則下味也若腰腎既虛冷則不能蒸化穀氣盡下為小便故味甘不變其色清冷則肌膚枯槁也猶如乳母穀氣上洩皆為乳汁消渴病者下泄為小便皆精氣不實於內則小便數澀溺也又肺為五臟華蓋若下有煖氣蒸則肺潤若下冷極則陽不能升故

肺乾而渴易於否卦言之矣乾上坤下陽無陰不降陰無陽不升上下不交故成否也譬如釜中有水以火煖之又以板覆之則煖氣上騰故板能潤若無火力則水氣不能上升此板終不得潤火力者腰腎強盛也常須煖補腎氣飲食得火力則潤上而易消亦免乾渴之患故仲景云宜服腎氣八味丸此疾與脚氣雖同皆為腎虛所致其脚氣始發於二三月盛於五六月衰於七八月凡消渴始發於七八月盛於十一月二月衰於二三月其故何也夫脚氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈審此二者疾可理也猶如善為政者寬以濟猛猛以濟寬隨時變通耳

治 諸虛不足胸中煩悸時常消渴唇口乾燥或先渴而欲發瘡或病瘡疽而後渴者宜用黃芪湯多服之

方見瘡疔門凡

消渴而小便反多有暗者皆腎氣不音攝津液也宜多服黃芪黃芩乃補氣之要藥

烏頭去皮

保行氣丸治消渴

五靈脂衍義云五靈脂入肝氣遠能行經血不能生血

右等分爲末每服三錢冬瓜湯下無瓜時苗葉亦可日

三服渴止勿服再服八味丸去附子加五味子

治消腎小便數鹿角一具炙焦搗篩爲末酒服方寸匕

漸漸加之

保苗香散治消病下焦渴症小便如膏

苗香炒 苦棟炒

各等分炒爲末食後酒調

下一錢

雜方

臙膳

治消渴舌焦口乾小便數野雉一隻以五味煑令極熟

去肉取汁渴飲之肉亦可食

肝痺者夜臥則驚多飲小便數全文見痺

心移寒于肺消者飲一洩二不治全文見診病傳變王註云腎臟消燥氣無所攝故飲一洩二也

口脈浮而遲浮卽爲虛遲卽爲勞虛則衛氣不足勞

則榮氣竭跌陽脈浮而數浮則爲寒數則消穀而大堅氣

盛則洩數洩數則堅堅數相搏卽爲消渴 跌陽脈數胃

中有熱卽消穀引飲大便必堅小便卽數

胎前渴

虛熱

少 雲葛根散治婦人妊娠胃膈煩燥唇口乾裂四肢壯熱食

葛根

黃芩

人參

麩仁

黃芪

甘草

麥門冬

右各等分每服四錢加竹茹彈子大水煎服

人參黃連散治妊娠身熱煩燥口乾少食四肢壯熱

人參

黃芪

葛根

秦艽

麥門冬

各一兩

知母七錢半

甘草五錢

赤茯苓一兩

右哎咀每服四錢薑三片淡竹葉十四片同水煎

治姪娠壅熱心神煩燥口乾渴逆

升麻

黃芩

人參

麥門冬

山梔

柴胡

茯神

瓜蒌根

犀角

銖各一兩

知母

甘草

各五錢

右哎咀每服四錢水煎服

知母散治姪娠煩悶口乾胞胎臍熱

知母

麥門冬

甘草

各半兩

黃芪

黃芩

赤茯苓

各七錢半

右哎咀加竹茹同煎

產後渴

入醫學綱目卷五

五三

竹葉湯治產後虛弱口渴

竹葉三升

甘草

人參

茯苓

各一兩

生薑

半夏

各三兩

麥門冬

五兩

大棗

十五箇

右哎咀以水九升先用生薑竹葉大棗煎取七升去渣

入藥煎取二升每服五合日三夜一

玄胡索散治產後失血渴不止

鬱金

乾葛

桂心

青皮

枳殼

玄胡索

右等分以好醋浸一宿焙乾為末每服二錢陳皮湯調

下日三夜一

治產後出血太多虛煩發渴用真正蒲黃末二錢白湯

調下如渴燥甚并花水下

治產後中風煩渴用紅花子五合微炒研碎以水煎濃

虛熱

徐徐呷之

陳良療血渴及產後渴疾用蓮子心生取為細末米飲調下二錢效

桃花散治產後不煩而渴

新石灰兩一 黃丹錢五

右為細末渴時用井水調下一錢

口燥咽乾

頃飲食不節勞倦所傷以致脾胃虛弱乃血所生病主口中津液不行故口乾咽乾病人自以為渴醫以五苓散治之反加渴燥乃重竭津液以致危亡經云虛則補其母當於心與小腸中補之乃脾胃之根蒂也以甘溫之藥為之主以苦寒為之使以酸為之臣佐以辛心苦緩急食酸以收之心火旺則肺金受邪金虛則以酸補之次以甘溫及

入醫學綱目卷三

五兩

甘寒之劑於脾胃中瀉心火之亢盛是治其本也

本黃芪湯治心中煩燥不生津液不思飲食

黃芪

熟地

白芍藥 五味子

麥門冬

各三兩

甘草

人參

天門冬各五錢

白茯苓

兩一

右咬咀每服三錢薑棗烏梅同煎去查食後服

五味子湯桑枝煎治口乾方見應病 燥熱咽乾忌南星半

夏

運氣

運氣口燥舌乾皆為熱燥二氣然分言之有四

一曰熱經云歲久太過民病隘燥又云少陰司天熱淫所勝病胸中煩熱隘乾治以寒劑是也

二曰燥經云金鬱之發隘乾面塵又云陽明在泉燥淫所勝甚則隘乾面塵治以溫劑是也

三曰上熱下燥經云少陰司天之政水火寒熱之氣持於氣交民病隘乾四之氣民病寒熱隘乾是也
四曰上燥下熱經曰陽明司天之政四之氣民病隘乾引飲皆治以寒温多少其制是也

督脈王病隘乾骨空論

黃疸 產後黃 食勞疳黃 黃汗

自黃 黑疸

五疸不要分同是濕熱如蠶麴相似 輕者小温中丸重者大温中丸 熱多者加苓連 濕多者茵陳五苓散加食積藥 濕熱因倒胃氣服下藥大便下利者參芪加茵陳山梔甘草

諸病黃家但利其小便假令脈浮當以汗解之宜桂枝加黃芪湯 穀疸之為病寒熱不食食即頭眩心胸不安

大醫學綱目卷三 五蓋

久久發黃為穀疸茵陳蒿湯主之 黃疸瘕茵陳五苓散主之二方並見傷寒

茯苓除濕湯治黃疸氣熱嘔吐而渴欲飲冷身體面目但黃小便不利不得安臥亦不思食

白茯苓分五 澤瀉分三 茵陳蒿分六 猪苓分三

黃芩生 黃連 山梔 防已

白朮 蒼朮 陳皮 青皮各二分

右咬咀水煎空心服

完顏正卿因官事勞役飲食不節心火乘脾胃氣虛弱更以恚怒氣逆傷肝心下痞滿四肢困倦身體麻木次傳身日俱黃微見青色顏黑心神煩亂怔忡不安兀兀欲吐口生惡沫飲食不化時下完穀小便癢閉而赤黑辰巳之間發熱日暮則止至四月尤甚予診其脈浮而緩金匱云寸

口脈浮爲風緩爲痺痺非中風四肢苦煩脾色必黃瘀熱已行跌陽脈繁食穀卽眩爲傷脾風寒相搏穀氣不消胃中苦濁濁氣不流小便不通陰被其寒熱流膀胱身體盡黃名曰穀疸宜服茵陳梔子湯

茵陳

錢

茯苓五

蒼朮炒

白朮

錢

黃芩生六

黃連

枳實炒

猪苓

皮去

澤瀉

陳皮

防己各二分

青皮

分

右咬咀作一服長流水煎食前溫服二服可愈山梔茵陳能瀉濕熱而退黃故以爲君枳實苦寒泄心下痞滿肺主氣今熱傷其氣故身體麻木以黃芩苦寒瀉火補氣爲臣二朮苦甘溫青皮苦辛溫能除胃中濕熱洩其壅滯養其正氣防己苦寒能去十二經滯濕澤瀉賦平

入醫學綱目卷三

五一

虛

茯苓猪苓甘平導膀胱中濕熱利小便而去痿閉

治疸脈虛便赤此後五方主之治虛者驗

白朮

兩

人參

猪苓

茵陳各半兩

澤瀉

錢

山梔炒

木通錢

桂枝

一婦人年二十八歲發黃脈澁經水自來不行身體倦怠

未曾生子

陳皮

白朮

木通各一兩

黃芩

婦頭

丹皮各半兩

甘草一錢

分作十二貼水煎食前熱服

治疸取小麥杵汁絞飲六七合晝夜飲三四次愈

諸疸用猪膏半斤亂髮如鷄子大三枚以髮入膏中煎

至髮盡分再服病自從小便中出

腎疸湯治腎疸曰黃渾身金色小便赤澁

升麻根半

羌活根錢一

防風根錢半

獨活根錢半

白朮

柴胡根

蒼朮錢二

猪苓分一

澤瀉分三

白茯苓

葛根半

甘草根三分

黃栢分二

人參

神麩各六分

分作二貼水煎食前稍熱服

桂枝加黃芪湯治黃疸脈浮而腹中和者宜汗之若腹

滿欲嘔吐懊憹而不和者宜吐之不宜汗

桂枝

白芍藥各三分

甘草分二

生薑兩三

大棗長十二

黃芪兩二

白水煎服須臾飲熱粥以助藥力取微汗為度未汗

更服

汗法

治一人年二十歲因勞又冒雨得疸脚痠心悸口苦力

弱尿黃脈浮而數病在表宜解外

至

黃芪錢三

白朮

蒼朮各一錢

陳皮

蘇葉

木通五分

山梔炒二錢

甘草稍些

白水煎服下保和十五丸與點抑青各十九溫中二十

丸

吐法

麻黃醇酒湯治黃疸用麻黃三兩以好清酒五升煮取

二升五合頓服盡冬月用酒煮春月用水煮酒疸或無

熱清言了了腹滿欲吐鼻燥其脈浮者先吐之沉弦者先

下之酒疸心中熱欲嘔者吐之愈

瓜蒂湯治諸黃用芡蒂二十七枚以水一升煮取五合去查

頓服

治疸取藜蘆置灰內炮之少變色搗為末水服半錢

七小便不利數服

蔡氏一女病黃遍身浮腫面目如金色困乏無力不

思飲食惟喜食生物交裁之屬先以苦劑蒸餅爲丸吐痰一碗又以舟車丸通經散下五七行如墨汁更以導飲丸磨食散氣不數日安好如初 李七老病涌水症面黃而喘二足皆腫按之陷而復起行則濯濯有聲常欲飲水不能睡臥戴人令上涌去痰而汗之次以舟車丸瀝川散下以益腎散復下之又以分陰陽利水道之劑復下之所苦皆瘥

下法

右脈浮而腹不和者吐之

治酒疸心中懞懞或熱痛梔子大黃湯主之

山梔十四枚

大黃兩二

枳實五枚

豆豉一升

右四味以水三升煎取二升溫作三服

黃疸腹滿小便不利而赤自汗出此爲表和裏實當下之宜大黃硝石湯主之

醫鑑綱目卷三

五

大黃

黃柏

硝石各四兩

梔子十五枚

水煎將熟納硝石頓服

師曰病黃疸發熱煩喘胸滿口燥者以病發時以火劫其汗兩熱所得然黃皆從濕得之一身盡發熱面黃肚熱熱在裏當下之

羅黃連散治黃疸大小便秘澀壅熱累效

黃連兩二

大黃醃拌炒兩 黃芩

甘草炙各兩

右爲極細末食後溫水調下二錢日三服先用苳蒂散搗鼻取下黃水却服此藥苳蒂散見後辨方條

治黃疸皮黃眼睛赤金色小便赤取秦芫五兩牛乳三升煮取一升去渣入芒硝一兩服之蕭炳云秦芫治酒疸

安喜趙君玉病疸遍身發黃往問醫聚醫皆云乃陽

明症公等與麻知幾皆受訓於張戴人是商議吃大黃者

難與論病君玉不悅歸自揣無別病乃取三花神佑丸八十粒服之不動君玉乃自悟曰予之濕熱甚矣此藥尚不動以舟車丸瀉川散服之天下結糞一斗一夕而黃退君玉因此益信戴人之技

右脈沉而腹不和者下之

和法

仲諸黃腹痛而嘔者宜小柴胡湯傷寒方見

治黃疸用柴胡一兩去苗甘草一分細剉作一劑以水

一碗白茅根一握同煎至七分去渣不拘服

虛實

諸疸小便不利為裏實宜利小便或下之無汗為表實宜發汗或吐之治法並見 男子黃大便自利當與虛勞小

建中湯傷寒方見

寒熱

內感傷寒勞役形體飲食失節中州變寒病生黃非外感而得只用建中理中大建中足矣不必用茵陳

醫學綱目卷三

羌

治一婦人年六十歲病振寒轉慄足太陽寒水也呵欠

噴嚏足少陽膽也口中津液足陽明不足也心下急痛而

疸手少陰受寒足少陰血滯也身熱又欲近火熱在皮膚

寒在骨髓也臍下惡寒丹田有寒渾身黃及睛黃皆寒濕

也餘症驗之知其為寒溺黃赤而黑又頰數者寒濕勝也

病來身重如山便着床枕者陰濕盛也其脈右手關尺命

門弦細按之洪而弦弦急為寒加之細者北方寒水雜以

緩甚者濕盛出黃色脈洪大者心火受制也左手又按之

至骨舉手來實者壬癸腎旺也六脈按之俱空虛者下焦

無陽也用藥法先宜以輕劑去其寒濕兼退其洪大之脈

以理中加茯苓湯投之按此症雖小便黃赤亦作寒

人參

白朮

甘草

乾薑

茯苓

虛寒

水煎熟以冰冷與之此熱因寒用以假寒對足太陽之假熱以乾薑辛熱瀉勝脫之真氣故曰真對真假對假若不愈當以朮附湯與之

韓君祥因勞役過度渴飲涼茶又食冷物遂病頭痛肢節亦疼身體沉重胸滿不食自以爲外感用通聖散二服後添身體困甚方命醫治之醫以百解散發其汗越四日以小柴胡湯二服後加煩燥又六日以三乙承氣湯下之燥渴尤甚又投白虎加人參湯柴胡飲之類病愈增又易醫用黃連解毒湯硃砂膏至寶丹十七日後病勢轉增傳變身目俱黃肢體沉重背惡寒皮膚冷心下痞硬按之則痛眼澁不欲開目睛不了了懶言語自汗小便利大便了而不了命予治之診其脈緊細按之虛空兩寸脈短不及本

八醫學綱目卷三

六

位此症得之因時熱而多飲冷加以寒涼藥過度助水乘心反來侮土先囚其母後薄其子經云薄所不勝乘所勝也時值霖雨乃寒濕相合此謂陰症發黃予以茵陳附子乾薑湯主之經云寒淫於內治以甘熱佐以苦辛濕淫所勝平以苦熱以淡滲之以苦燥之附子乾薑辛甘大熱散其中寒故以爲君半夏草薤辛熱白朮陳皮苦甘溫健脾燥濕故以爲臣生薑辛溫以散之澤瀉甘平以滲之枳實苦微寒瀉其痞滿茵陳微苦寒其氣輕浮佐以薑附能去膚腠間寒濕而退其黃故爲佐使也煎服一劑前症減半兩服悉去又服理中湯數服氣得平復或難曰發黃皆以爲熱今暑熱隆盛又以熱藥治之何也予曰理當然也成無已云陰症有二一者始外傷寒邪陰經受之或因食冷物傷太陰經也二者始得陽症以寒治之寒涼過度變陽

為陰也今君祥因天令暑熱冷物傷脾過服寒涼陰氣大勝陽氣欲絕加以陰雨寒濕相合發而為黃也仲景所謂當於寒濕中求之李思順云解之而寒涼過劑瀉之而逐寇傷君正謂此也聖賢之制豈敢越哉

附子炮去皮 乾薑炮 茵陳二錢 白朮四分

草薢根一錢 白茯苓三錢 枳實炒 半夏製

澤瀉各半錢 橘紅三分

右生薑五片水煎去查涼服

無養榮湯治五疸脚弱心忪口淡耳響微寒發熱氣急小便白濁當作虛勞治之

黃芪 當歸 桂心 甘草炙

陳皮 白朮 人參各一兩 白芍藥三兩

熟地 五味子 茯苓各三錢 遠志去心

入醫學綱目卷三

五三

右每服四錢薑棗煎空心服

右法治虛寒黃疸

虛熱

治婦人久勞苦得面黃心悸口苦小便不黃自利食少右脈大於左此虛中受濕也

白朮 芍藥 當歸各五錢 黃芪

黃芩 茯苓 人參各三錢 陳皮半錢

黃連一錢 甘草五分

分六貼下保和溫中各二十九

補中湯治面黃多汗目眇赤四肢沉重減食腹中時痛咳嗽兩手左脈短右脈弦細兼澁右手關脈虛

升麻 柴胡各二錢 婦身二分 蒼朮五分

澤瀉四分 甘草炙 五味子北 黃芪二錢

神麩三分 紅花許 大麥麩

右作二服水煎食前
右二方治虛熱黃疸

濕熱

仲黃疸小便色不變欲自利腹滿而喘不可除熱除必
噦方見嘔吐○小便色不變不可除熱者
蓋中無熱故清白而不黃目無熱可除
也 諸疸小便色白不可除熱者無熱也若有虛寒症者
當作虛勞治之 諸疸小便黃赤色者為濕熱治法並見
表裏虛疸

穀穀疸丸專治穀疸

苦參兩三 龍膽草兩一 牛膽兩一

右為末入牛膽汁加少蜜為丸空心薑湯或甘草湯下

葛根湯治酒疸

葛根兩一 枳實炒 山梔 豆豉各一

甘草炙半

入醫聖綱目卷三

全

白水煎不拘時溫服

治黃疸以柳枝入水濃煎汁服之

經患五色急黃以水調山豆根末二錢空心服之

運氣

運氣黃疸皆屬濕熱經云少陰司天之政四之氣溽暑至
民病黃疸又云厥陰司天之政四之氣溽暑濕熱相薄民

病黃疸而為腑腫是也

羅嗜鼻瓜蒂散治黃疸渾身如金色累效

瓜蒂二錢 母丁香一錢 黍米四十粒 赤小豆五分

右為細末每夜臨臥時先含水一口却於兩鼻孔嗜上

半字便睡至明日取下黃水便服黃連散 輕者五日

效重者半月效其黃連散方見
前大小開條

聖治遍身如金色用瓜蒂四十九箇須是六月六日收者

丁香四十九粒入其鍋內燒烟盡為度研細小兒用半字

雜方

吹鼻及揩牙大人用一字吹鼻內立瘥

類要治黃疸用苦葫蘆瓢如大棗許四枚以童便浸三兩食頃取兩棗許分納兩鼻中黃水自出效令病人吸之又方治黃疸身眼皆如金色修合不可令婦人雞犬見之取東引桃枝一握細切用水二鍾煎至半空心服服後三五日其黃離離如薄雲漸散唯眼最後瘥百日方平復身黃漸散後可時飲清酒一盞使眼中黃易散忌食熱麪猪魚等物

針灸
針灸黃疸有二法

其一取脾經云脾足太陰之脈所生病者黃疸視盛虛熱寒取之
其二取腎經云腎足少陰之脈所生病者黃疸視盛虛熱寒取之

醫學綱目卷三十一

七

王黃疸 腕骨七分灸 中腕補

藥黃疸發虛傷寒飲食過多

腕骨分 湧泉三分 百勞 三里 中腕 膏盲

甲黃疸善欠脇下滿欲吐脾俞主之千金云身重不可動 消渴身

熱面赤黃意舍主之 消渴黃疸足一寒一熱舌縱煩滿

然谷主之 消瘴善喘氣走咽喉不能言手足清溺黃大

便難噎中腫痛唾血口中熱唾如膠太谿主之 黃疸熱

中善渴太衝主之 身黃時有微熱不嗜食膝內內踝前

痛少氣身重中封主之 黃瘰身黃勞宮主之 嗜臥四

肢不欲動搖身黃灸手五里左取右右取左 黃瘰刺脊

中千金云腹滿不能食

瘰目黃者曰瘰 溺黃赤安臥者亦名黃疸

身痛而色微黃齒垢黃爪甲上黃黃疸也 論疾疹尺篇

診

仲脈沉渴欲飲水小便不利者皆發黃 腹脹滿面痿黃
躁不得睡屬黃家 跌陽脈緊而數數則為熱熱則消穀
緊則為寒食即為滿尺脈浮為傷腎 跌陽脈緊為傷脾
寒熱相搏食穀即眩穀氣不消胃中苦濁濁氣下流小便
不通陰被其寒熱流膀胱身體俱黃名曰穀疸 陽明病
脈遲者食難用飽飽則發煩頭眩小便又難此欲作穀疸
雖下之腹滿如故所以然者脈遲故也 心中懊憹而熱
不能食時欲吐名曰酒疸 病酒黃疸必小便不利其候
心中熱足下熱是其症也

脈酒疸黃色心下結熱而煩

仲額上黑微汗出手足中熱薄暮則發膀胱急小便自利
名曰女勞疸腹如水狀不治治見黃疸之病當以十八
日為期治之十日已上宜瘥反劇為難治 疸而渴者難

醫學綱目卷三

疸

治疸而不渴者可治發於陰部其人必嘔發於陽部其人
振寒而發熱

脈凡黃家候其寸口脈近掌無脈口鼻冷並不可治

產後發黃

血虛

治一婦人四月內產發黃四肢倦怠食少經事不來時

發熱脈弦

白朮兩

人參

秦艽

丹皮

生地

木通

柴胡

芍藥各半

川芎

黃芩

乾葛各一錢

甘草

分十二貼水煎食前熱服

食勞疸黃

源肝補脾

一名黃胖夫黃疸者暴病也故仲景以十八日為期食勞
黃者宿病也至有久不愈者故宜另立篇門

丹大温中丸治黃胖朱先生晚

香附一斤童便浸春夏 甘草二兩

斤一 苦參春夏二兩 秋冬一兩 厚朴薑製炒

芍藥五兩 陳皮三兩 山查五兩 蒼朮黑五兩 淇浸

白朮 茯苓各三兩 青皮六兩

俱為細末醋糊丸如桐子面黑筋骨露氣實者米飲下

五六十九面肥白與氣虛羸弱者白朮湯下三四十九

忌一切生冷油膩鷄鵝羊鴨生硬併糍粽難化之物服

過七日後便覺手掌心涼口唇內有紅暈起調理半月

愈

丈夫黃胖胃有宿積口淡脚瘦氣急

針砂淘炒淨醋煨 蒼朮 香附

三稜各一兩 陳皮 黃連 萊菔

入醫學綱目卷三 薑

人參各半兩 茯苓七錢

右為末神麩醋糊丸每服五十九若飽入保和十九白

湯下

又小温中丸治黃胖宜草野貪賤人服蓋其飲

針砂一斤以醋炒為末入糯米炒極黃為末亦用一

斤醋糊丸如桐子大每米飲下四五十丸忌口同上

輕者服五兩重者不過七兩愈

六十嫂面黃口苦而渴此食積生濕熱

白朮一錢半 連翹一錢 羌活 通草

煎熟吞下穀疸丸保和丸各四十粒阿魏丸五粒

爰中丸治黃胖殺肝邪舒脾氣虛者不宜用

陳皮 蒼朮 厚朴製 三稜

白朮 青皮各五錢 香附一斤 甘草二兩

針砂十兩醋

炒紅

右爲末醋糊丸空心監薑湯下五十九晚食前酒下亦可忌狗肉

右五方附朴查青稜蓬以磨積針砂酸醋以瀉肝白木蒼朮以補脾重可去怯之劑唯溫中丸無補性虛者勿用

世治黃胖綠攀六兩用米醋於鐵鍋內煮七次以乾爲度置地上出火氣爲末南星末一兩炒麪一兩大皂角二斤水煮熟揉出膿膠去皮查濾過再熬入菓子六兩蒸熟去皮核煎成濃膏搗勻和前藥末爲丸如桐子大每服五丸早晚用薑湯各一服忌油膩煎煇如身上發紅斑時急煎棗湯服之斑自愈

本治男婦患食勞氣勞遍身黃腫欲變成水及久患疥癬

入醫學綱目卷三

夾

小腸膀胱面目忽黃宜服紫金丹

膽礬三錢

黃蠟二兩

大棗五十枚

右以砂鍋或銀石器內用好醋三升先下礬棗慢火熬半日取出棗去皮核次下蠟再慢火熬一二時如膏好入蠟茶二兩同和丸如桐子大每服二三十丸茶酒任下如久患腸風痔漏陳米飲下日三服一日見效宗室趙彥林下血面如蠟不進食蓋酒病也授此方服之終劑血止面鮮潤食亦倍常新安一士人亦如是與三百粒作一服立愈

羅棗礬丸治食勞黃目黃身黃

皂礬

不拘多少置砂鍋內燒通赤用米醋點之燒用木炭

右爲末棗肉丸每服二三十丸食後薑湯下一方用白礬不用皂

世裏攀九治黃胖

皂攀五兩 棗肉二兩

蒸粉三兩

右為末生薑汁九每服二三十九一日二次米飲下食前

虛實

右三方攀醋之酸以瀉肝裏肉之甘以補脾若虛黃於前疸門小便自利自汗虛勞疸條下諸方選用之

婦人年三十面黃脚瘦弱口苦喜茶月經不勻且多倦

意 黃芪三分 白朮一分 炒栢二分 秦艽二分

甘草三分 木通五分 陳皮五分 芍藥

人參各一分 當歸一分

一婦年六十面黃倦甚足瘦口苦脈散而大此濕傷氣也

白朮兩半 陳皮四分 蒼朮 木通

黃芩各三分 砂仁 人參 川芎各二分

人醫學綱目卷三

三

黃栢炒一分 甘草炙五分

分六貼水煎食前服

主官人痞後面黃脚瘦弱倦怠食飽氣急頭旋

黃芪二分 蒼朮一分 白朮半錢 木通二分

甘草炙二分 黃栢炒三分 厚朴製一分 陳皮錢

水煎服

成康五官面黃脚瘦無力食不化脈虛而少弦口苦肚脹

宜補之

蒼朮半錢 木通三分 白朮一錢 當歸五分

芍藥 陳皮各五分 甘草炙二分 川芎五分

人參三分 水煎下保和丸四十九

經治食氣遍身黃胖氣喘食不進心胸渴悶用不蛀皂角去皮及子塗好醋炙令焦為末一錢巴豆七粒去油膜二

件以淡醋研好墨爲丸如麻子大每服三九食後陳皮湯下日三服隔一日增一九以利爲度常服消酒食

子和一男子作贅偶病疽善食而瘦四肢不舉面黃無力其婦翁欲棄之其女不肯婦翁乃農夫抬塔意欲作勞見其病甚每日詬辱之人教之餌蠟鑿九三稜九俱不效戴人見之不眵而瘵使服涌劑去積痰宿水一斗又以泄水九通經散下四五十行不止戴人命飲冰水一盞立止次服平胃散間服檳榔丸五十粒七日黃退力生蓋黃疸之症濕熱與宿穀故也俗謂之食勞黃

世喜喫乾茶

石膏

白芍藥

黃芩

水煎服更於積塊門茶暉條相參用之

山酒麪黃用絲瓜連皮子燒灰因麪得病麪湯調下因酒

入醫學綱目卷三

六

得病酒調下

黃汗

黃汗汗出染衣黃如栢汁是也

仲問曰黃汗之爲病身體腫發熱汗出而渴狀如風水汗沾衣色正黃如栢汁脈沉何從得之師曰以汗出時入水中浴水從汗孔入得之宜芪桂酒湯主之

黃芪

白芍藥各五
桂枝三

右三味以苦酒一升水七升相和煮取三升溫服一升初發當心煩服至六七日乃解若心煩不止者以苦酒阻故也

一方用酒
酒代苦酒

黃汗之病兩脛自冷假令發熱此屬歷節食已汗出又身常暮盜汗出者此勞氣也若汗出已反熱者久久其身必甲錯若發熱不止者必生惡瘡若身重汗出已輒輕者久

診

久身必潤又胸前痛腰上有汗腰下無汗腰臃弛痛如有物在皮中狀劇者不能食身疼重煩躁小便不利者此為黃汗桂枝加黃芪湯主之方見本門 味道下

目黃

經云目黃者曰黃疸然亦有目黃而身不黃者故宜另立篇門

風

風氣自陽明入胃循脈而上至目眚其人肥風氣不得外洩則為熱中而目黃全文見 諸風條

青龍散治風氣傳化腹內疼結而目黃風氣不得泄為

一八 醫書二綱是卷三

羌

熱中煩渴引飲

地黃

威靈仙

防風

荊芥穗

何首烏

去黑皮米泔浸一宿竹刀切各二兩

右為末每日三服食後沸湯調下一錢

治黃疸目黃不除用瓜丁為細末如葶大納鼻中令病人深吸取鼻中黃水出愈

針灸

針灸目黃有五法

其一取心經云心少陰之脈所生病者目黃脇痛云

其二取心主經云心主手厥陰之脈是動則病面赤目黃

其三取小腸經云小腸手太陽之脈所生病者耳聾面黃

其四取大腸經云大腸手陽明之脈所生病者目黃口乾

云

其五取膀胱經云膀胱足太陽之脈所生病者目黃淚出

云 已上五法並視盛虛寒熱陷下取之

黑疸

黃疸久久變為黑疸身黃額黑或身面俱黃是也若身不

黃口面黑於章門主之針灸經云神門亦治疸

酒疸

酒疸下之久久變為黑疸目青面黑心中如噉蒜齏狀

女勞疸

大便正黑皮膚爪之不仁其脈微弱雖黑微黃故知之

黃家日晡時發熱而反惡寒此為女勞得之膀胱急少腹

滿一身盡黃額上黑足下熱因作黑疸其腹脹如水狀大

便黑或時澹此女勞之病非水也腹滿者難治硝石散主

硝石

鑿石燒各等分

八卷書編目卷三

三

右為細末勻和以大麥麩粥調服方寸七日三服病隨

大小便下小便去黃大便去黑是其候也

治黑疸多死宜急治用土瓜根一斤搗碎絞汁六合頓

服當有黃水隨小便出更服之

診

面龐然浮腫脊痛不能正立其色焃黑多汗惡風者屬風

治見諸風門

杭州圖書館